

巫山縣志卷三十二

藝文志

雜文

賦集

詩集



士先器識而後文藝文藝實器識之見端也巫邑靈秀所鍾才人輩出宏篇鉅製既可以考獻而徵文巷祝里歌亦足以觀風而問俗况夫山形奇特每為名賢遊覽之所必逮故屈宋之寄寓感憤千秋李杜所流連光芒萬丈皆鬱之為忠孝悃忱發之為節義文章書曰詩言志歌永言辭之不可以已也如是夫志藝文

黃陵廟記

漢諸葛亮

巫山縣志

卷三十二

藝文

一

僕躬耕南陽之畝遂蒙劉氏顧草廬勢不可卻計事善之於是情好日密相拉總師趨蜀道履黃牛因觀江山之勝亂石排空驚濤拍岸斂巨石於江中崔嵬嶺岬列作三峯平治泮水順道其道非神扶助於禹人力奚能致此耶僕縱步環覽乃見江左大山壁立林麓峯巒如畫熟視於大江重複石壁間有神像影現焉鬢髮鬚眉冠裳宛然如彩畫者前豎一旌旗右駐一黃犢猶有童工開導之勢古傳所載黃龍助禹開江治水九載而功成信不誣也惜乎廟貌廢去使人太息神有功助禹開

江不事鑿斧順濟舟航當廟食茲土僕復而興之再建其廟貌目之曰黃牛廟以顯神功

蜀山考

宋王象之

金陵隨筆云蜀人繪蜀山作六圖一名峨眉去嘉州峨眉縣百里爲六山之最自白水寺登山初二十里有石磴可登又二十里多無路以木爲梯行二三里方着實地又二十里有雷洞始到光相寺則峨眉絕頂其上樹木禽鳥多與平地異天氣尤不同九月初已下雪應綿衣絮衾用盡而終夜燈火山山水煮飯不熟飴食皆從

巫山縣志

卷三十二

藝文

二

白水寺造上所謂光相錦雲天燈陰雪不見一曰青城山中有六道宮丈人觀上清宮爲最五宮觀皆在山之麓五里至上清又至成都山則爲半山至大面山則爲山之巔大面山後卽老人村不可通矣一曰錦屏今閬州城南五山峙立江南如屏有浙間山川之狀有讀書巖乃陳堯叟兄弟讀書之地一曰赤甲白鹽在夔門濫瀕之兩岸水流其中而兩山束之大率如蜀之門戶一曰劍門關古所謂劍關之險有大劍小劍之號往往山皆北向有劍鋒之狀而道出兩山之間有關使以司之

一曰巫山今夔州巫山縣之東十二峯不是一面生江
遠此山周遭十二峯故人繪爲一圖爾

弔屈原文

明許應元

徵郡圖以懷賢兮曰惟楚之靈均溷郢都而弗居兮汨
戾止於江濱懷三后之純粹兮衷勳華之耿介佩纒纒
其芳潔兮夫惟靈修以爲勸歲遭延其二千兮明九葉
之隆禧厯元辰以薦誠兮羞瓊蕤以端辭懿夫人之眾
芳兮希絕風之逸響均恐修名之不立兮羌旣緬而逾
亮有宋氏之二儻兮廖與李而遙慕慕好修以流聲兮

巫山縣志

卷三十二

藝文

三

夫亦靈均之所與世隆污之屢遷兮賢不肖而互陟苟
蹈道而履則兮焉詬語而進默登椒堂以屏息兮睇夫
君之雲旗倏杳藹以豔澹兮忽翩翩而下之尙饗

神女考

明范守道

世傳神女事止據宋玉高唐賦爲言謂其爲雲爲雨見
夢襄王後人遂以爲此山之神姬若武都山精之流莫
不思一遇之詞語淫褻有污仙真且未知神女助禹治
水大有功於斯世而巫峽之民受賜尤多自當廟祀以
報其功者何可假宋玉賦而比之淫祠之列也按集仙

錄云雲華夫人王母第二十三女名瑤姬受煉神飛化之道嘗東海遊還過巫山流連久之時大禹理河駐山下因與夫人相值拜而求助卽勅侍女授禹策召鬼神之書因命其神將狂章虞余黃魔大翳庚辰巨靈等助禹斷石疏波以循其流禹拜而謝焉夫人或倏然飛騰散爲輕雲油然而止聚爲夕雨或化遊龍或爲翔鶴千態萬狀不可親也禹疑其狡猾怪誕非眞仙也問諸童律律言夫人昔師二元道君受上清寶經爲雲華上宮夫人領教童眞之士隱見變化蓋其常也所授寶書亦

巫山縣志

卷三十二

藝文

四

川三女

可以出入水中驅使蛟龍收束虎豹呼召六丁顛倒五星九視存身與天相傾也因命侍女陵雲華出上清寶文以授禹拜受而去遂能導波決川以成其功天錫元圭以爲紫府眞人其後宋玉言於襄王王不能訪導要以求長生築臺高陽之館作陽臺之宮以祀之宋玉作賦寓情荒淫高眞上僊豈可誣而降之也予惟僊錄是考雖所言未必盡實而世乃有神禹之稱且言其夢滄水之使發宛委之藏事俱秘密不可究詰其遇夫人而受寶文也安可謂之無耶不然三聖相授守一道而禹

獨稱神何哉說者謂禹功在萬世則夫人之功不在禹下其當廟食茲土也無疑但當易匾額爲雲華夫人祠而載其事於碑間明示世之人使之崇重而敬祀之以爲報功之典不可視爲淫祠而輕褻之也予自督學山西時閒閱僊傳偶得其詳欲爲夫人雪誣久矣旣而監兵建昌得代東還道出夫人祠下而夔守耿君爭光偕予同登士有志稽古者因書其略授之俾刻祠中以闡揚幽隱而旌夫人洪功觀者勿以爲誕而訾之可也

神女記

國朝 朱斐然 邑令

巫山縣志

卷三十二

藝文

五

治東神女祠巫之勝跡也古今豔稱之第泥於宋玉高唐賦寓言毋亦以治西有高唐陽臺舊基址因羣附會其說耶自明張馬范三公據集仙錄作神女廟考世始知有投書開峽之事三公可謂具卓識而有功於人心世道也惟是祠止兩層年遠傾圮頗失壯觀而土人又妄添置觀音九子母等塑像於其中不倫不次豈專廟獨尊之義乎予爲遷移諸像於各本祠而此處獨留神女一像並略捐廉俸修葺廟宇旣不沒古跡而祠像亦庶乎獨尊至神之有功於三峽而福庇於生民則前人

已言之予不贅也

神女記

國朝 余廷勳

邑東峽內小磨地方舊有神女廟考襄陽耆舊傳赤帝女瑤姬未行而卒葬於巫山之陽爲神女建廟以祀是神女係瑤姬並非雲華夫人因唐人太平廣記所載錯誤以致訛以傳訛予特揭榜懸於廟側以解後人之惑是爲記

神女考

王闔運

禮記祀典祠出雲雨之山天子秩之諸侯望焉巫山自

巫山縣志

卷三十二

藝文

六

夏氏孟涂以來傳祀帝女瑤姬帝不知當何代也有楚貞臣屈平始巫言巫咸其弟子宋玉乃言巫山山之名巫蓋咸所典祀殷人重巫周人貴易記示不敢專以尊天也巫易於後世當諫官謀議之職天子有事必進斷焉非復禳祝奉祠之流楚之先爲文王師與隗同祖隗卽夔也芊能蓋傳巫咸之德言故文王奉以爲師三代之道於是乎在帝女主山又在其先稽古之神仕在女曰巫周禮始有男巫然則帝女乃聖神通靈非仙人羽化者已巫之所以必取女者豈不以妃后深居尤好禱

問設官專典然後巫蠱之禍無由而作古聖識微防嫌
噫其遠與左氏莊生言聖人主山川者具有典祀自秦
以來迺不復傳而宋玉之賦巫山有高唐朝雲之事其
曰先王幸之故立廟祀神女以況先后也譏楚後王
棄先君之宗廟徙夔巫故郡而樂郢陳將不保其妻子
故曰巫山之女爲高唐之客高唐齊地言其務於東而
失之於西得於齊而失之於秦其後神女賦則又以女
喻賢人如屈子之徒故其詞不及山川比興意顯各有
實指而後之小儒不通天人罔識神女主山之由莫察

巫山縣志

卷三十二

藝文

七

詩人託喻之心苟見其異肆其詼嘲山靈清嚴故不降
愆然不正其義而欲守土者之虔祀弗可得已巫山縣
東神女祠舊在筵篻山下今城卽漢巫故治水經注言
鹽水出縣東而敘巫山又在其東今青石洞諸峯奇秀
獸異所謂十二峯者也古之山川祠皆在近民附郭之
地則祠神女於筵篻山也宜康熙中故尙書王公杰禎
奉使告江躬揖祠下徒歎其茅茨土垣而已顧莫釐俗
謬唐尙書白居易刺忠州過祠悉除其詩牌若有所悟
而未聞所以正之之說今年春雨澤小愆縣令許君堯

文禱於名山應時甘澍既具材用將新神祠適閩運還

舟泝峽過謁太守黃君毓恩言高唐神女二賦之意黃

君趨焉且曰此牧令所以正祀典定民志祈福澤之大

者也因備釋宋玉二賦以驗學者而述其義序之祠碑

係以銘焉其詞曰

於穆瑤姬靈媧媧皇受命主巫居山之陽匡飭異俗川

德彌彰祀隆夏周代遭虞唐遐哉邈乎不可得詳咸亦

氏巫忠貞景行芊熊繼紹崇茲廟堂神明所祚遐邇肅

莊除疑定法蠱禍不揚遭奉暴蔑祀事久荒肅肅靈所

巫山縣志

卷三十二

藝文

八

寂寂馨香闕恤其神以俟妙姜維清有九攝提銜衡太

嶽之喬爰作巫長稽古秩望虔恭用將選材繕室立闕

四方巍峩筮篋禋祀復昌肅時雨若神應如響穀我士

民思躋用光上考虞法瞻言楚疆湯湯江流石林茫茫

孔靜幽昭對越靈祥

神女辨

楊學啟

宋玉賦高唐夢神女或曰是楚王昏妄之所感召也從

而賦之玉與有責焉不知宋玉特託以諷耳若以為誠

然不惟誣神女並誣宋玉宋玉者屈原弟子也其賦神

女何異屈原之言女媧言英皇鑿空鏤虛與助禹之神
女何涉方禹之導江也禹之德固足驅策百靈然長峽
未闢巫之重巖疊嶂既有以阻東流之勢大江磅礴漚
鬱其卑下必爲蛟鼉之所窟而林麓之深峯巒之秀又
宜爲神靈之所遨遊神女授策童律庚辰就用命焉禹
之功卽神女之力也祭法有功於民則祀之禮固宜然
至謂楚王遊高唐與神女遇此理之所必無者楚襄孱
王德非能感神也懷王客死不引爲憂屈子納忠曾莫
之恤方且媚秦而娶其女其闇劣尤不可責以人理况

巫山縣志

卷三十二

藝文

九

秦於懷王旣虜已要以割巫黔中後遂南燒彝陵舉郢
郢楚襄鼠竄東保於陳巫踞巴蜀下游與秦爲尤偪處
張儀說楚已云起於汶山方船積粟不十日至扞關是
秦兵日迫巫峽乃楚塞也及秦拔巫郡黔中楚襄復收
東兵取江旁邑以距秦左支右絀未獲息肩安肯輕離
國都出絕險之外反逍遙游衍登高作賦履畏途以爲
娛有是理哉然則斯賦何爲而作也意者楚王之遊高
唐亦猶齊景之欲觀轉附朝儻偶談及神女授策事志
在遊觀玉託言先王與神遇以危其行因寓諷諫之意

故吾謂屈子之賦離騷居澤畔而懷帝閭言香草美人
慕君也憫懷襄也宋玉之賦高唐神女登雲夢以望巫
峽悲屈子喻孤臣也玉意屈原宅近巫峽固其精魂之
所依託也古人每借男女之情以寓思慕之切要之皆
本於忠孝此作賦之旨也或曰巫山舊有楚王墓細腰
宮神女館乃謂爲假託何也曰巫本楚境因所欲遊而
葬之亦安禁其爲宮與館哉嗟乎夢寐固不足憑寓言
而託之夢寐後之人乃悅其誕莫窺其旨竟不思崇德
報功之所自或妄相比擬輕爲褻嫚抑獨何也是又宋

巫山縣志

卷三十二

藝文

十

玉之罪人也

創築天賜城記

舊屬大甯
今屬巫山

宋 徐宗武

知夔州

大甯雖支郡實夔峽後戶金洋要衝自邇年虜常突至
生聚日耗爲無城故也壬戌仲秋余來帥夔奉總鎮呂
公命俾就監擇地興築一城爲保聚計卽相視形勢去
昔監四十里得一山焉名曰天賜高險可守具聞於朝
獲命下可乃計徒庸慮材用書餼糧卜吉起築調京湖
戍夔總管白思恭部兵董役知監事張宣乃宣使祥之
子挺有父風曉暢軍事奉命惟謹相與戮力共濟其事

自景定三年十一月上澣興工抵明年四月朔告成周
圍計九百六十餘丈粉雉轟空樓櫓連雲官有廩糧有
廩兵有營戰守及備靡不悉周商賈往來居民還定耕
屯日闢跨兩冬而虜不敢窺此興築之效也雖然此城
之築豈特爲一郡計哉藩籬謹固可爲金城之蔽障氣
脈聯絡可爲夔峽之聲援殆天所以賜國家也誠不偶
得繼自今任郡守者當思經始之難而盡保守之力一
日必葺克勤王事體余創築之本心也其懋敬之工費
有籍不書景定癸亥季冬吉日右武大夫左屯衛大將

巫山縣志

卷三十二

藝文

十一

軍知夔州主管夔路安撫司公事節制本路屯戍軍馬
固始縣開國男食邑三百戶徐宗武記

文林郎中差大甯監判趙孟柏篆額書丹

武功郎閣門宣贊舍人權發遣大甯監兼管勸農事節
制屯戍軍馬張奉命勒石

一統志天賜城在廢大昌縣西六十里宋將廉康所築
景定中守將徐宗武立石

入蜀記

後半篇

宋陸游

二十二日發巴東山益奇恠有夫子洞者一竇在峭壁

絕高處人迹所不可至然髣髴若有欄楯不知所謂天子者何也過三分泉自山竇中出止兩派俗云三派有年兩派中熟一派或絕流饑饉泊疲石夜雨 二十三日過巫山凝真觀謁妙用真人祠真人卽世所謂巫山神女也祠正對巫山峯巒上入霄漢山脚直插江中議者謂太華衡廬皆無此奇然十二峯者不可悉見所見八九峯惟神女峯最爲纖麗奇峭宜爲仙真所託祝史云每八月十五夜月明時有絲竹之音往來峯頂上峯頂上猿皆鳴達旦方漸止廟後山半有石壇平曠傳云

巫山縣志

卷三十二

藝文

三

夏禹見神女受符書於此壇上觀十二峯宛如屏障是日天宇晴霽四顧無纖翳惟神女峯上有白雲數片如鸞鶴翔舞徘徊久之不散亦可異也祠舊有烏數百送迎客舟自唐幽州刺史李貽詩已云羣烏幸昨餘矣近乾道元年忽不至今絕無一鳥不知其故泊清水洞洞極深後門自山後出黠闇水流其中鮮能入者歲旱祈雨頗應權知巫山縣左文林郎冉徽之尉右迪功郎文庶幾來 二十四日早抵巫山縣在峽中亦壯縣也市井勝歸峽二郡隔江南陵山極高大路如綫盤屈至

絕頂謂之一百八盤蓋施州正路黃魯直詩云一百八盤攜手至今歸夢繞羊腸卽謂此也縣廨有故鐵盆底銳似半甕狀極堅厚銘在其中蓋漢永平中物也缺處鐵色光黑如佳漆字畫瀉質可愛玩有石刻魯直作盆記大略言建中靖國元年子弟叔向嗣直自涪陵來攝縣事予起戎州來寓縣廨此盆舊以種蓮余洗滌乃見字云遊楚故離宮俗謂之細腰宮有一池亦當時宮中燕游之地今堙沒略盡矣三面皆荒山南望江山奇麗又有將軍墓東晉人也一碑在墓後跌陷入地碑傾

巫山縣志

卷三十二

藝文

三

川三十三

前欲壓字纔半存 二十五日晡後至大溪口泊舟出美梨大如升 二十六日發大溪口入瞿塘峽兩壁對聳上入霄漢其平如削成仰視天如匹練然水已落峽中平如油盎過聖姥泉蓋石上一罅人大呼於旁則泉出屢呼則屢出可恠也晚至瞿塘關唐故夔州與白帝城相連杜詩云白帝夔州各異城蓋言難辨也關西門正對豔瀕堆堆碎石積成出水數十丈土人云方夏秋水漲時水又高於堆數十丈肩輿入謁白帝廟氣象甚古松柏皆數百年物有數碑皆孟蜀時立庭中石筍有

黃魯直建中靖國元年題字又有越公堂隋楊素所創少陵爲賦詩者已毀今堂近歲所築亦甚宏壯自關而東卽東屯少陵故居也 二十七日早至夔州州在山麓沙上所謂魚復永安宮也宮今爲州倉而州治在宮西北甘夫人墓西南景德中轉運使丁謂薛顏所徙比白帝頗平曠然失關險無復形勢在瀼之西故一曰讓西土人謂山間之流通江者曰讓云州東南有八陣磧孔明之遺迹碎石行列如引繩每歲江漲磧上水數十丈比退陣石如故

巫山縣志

卷三十二

藝文

西

新修泮池記

明趙時鳳邑令

學校之設昉於漢宋其來已久我國家稽古右文益尊崇而廓大之廟貌森嚴規制具舉有大成殿有明倫堂殿之前有櫺星門有泮池其所以追崇聖學作養士俊者至備也巫山學宮創立有年漸見傾圮隆慶五年前知縣事葉君苑菴申請加修工告成矣邑人兵馬司向君萬書見櫺星門以木豎立恐難持久乃請於縣謀於士大夫捐貲修建易木以石有石柱有石夾有石護功旣落成惟泮池未有也萬曆癸酉余叨尹是邑甫謁廟

謂諸生曰凡學有泮池所以儲養士類恢宏聖教也觀
采芹泮水知魯之盛則古已有之矧巫山十二峯之秀
雄峙天下士生其間奇傑瑰璋代不乏人何可缺也將
謀之士民共圖建向君復欣然復予曰曩修櫺星門時
已有此志惜未有倡之者今注念若此敢惜費而不終
厥事乎諸生欣欣相慶以告於邑博鳳岡王君東洲馬
君三台熊君咸翕然嘆曰事之成固有待也於是相度
基宜鳩工鑿石不越月而報成諸士楊生潤黃生遍冉
生瀛王生維甯等念茲義之不可泯也乞余爲記以垂

巫山縣志

卷三十二

藝文

五

不朽余因謂之曰施財好義同有是心顧鮮知所重尊
佛像者飾金鏤壯禪門者構華梁雖費不計也至於正
學則漫不加意不知聖人之道爲生民立命爲萬世開
太平所繫若此之重向君不惜費不憚勞鼎而新之庶
乎知所重者矣矧其子若姪彬彬然涵育於宮墻化雨
之中邑俊秀子弟相與藏修游息師師濟濟而勤習乃
業焉行將奮翼凌雲種種名世由是入以翊贊皇猷潤
澤天下所謂蛟龍雲雨實發軔於此也厥功不亦偉歟
用是勒石記以倡後來者

大昌儒學記

明王鳴鳳正德進士

大昌夔之屬邑也間於楚蜀地僻民寡緣山爲城城之北惟學在焉顧厥基弗廣殿宇隘陋重以兵燹相仍遷改不常歲時既久腐朽漫漶士病無學弗能一其志而專其業也先是蓮幕金子瓊壁列狀白之當道皆曰可迺相方定位欲遷於城東舊基會以考察解任遂寢其事甲辰之春吳侯以明經來治縣事下車後謁廟視學慨然興嘆曰是疇之責哉失今不爲後益不可爲也遂卜日戒工計乃費集乃力而屬是役於義民張鵬鄭雄

巫山縣志

卷三十二

藝文

六

綱督其事用不足割俸以濟工不給捐膳以周財不備厚植以充規制之大畚鍤之微隨事裁畫各當其宜由是殿宇巍巍門觀軒敞廟之前爲兩廡廡之前爲戟門門之左爲名宦祠門之右爲鄉賢祠又前爲泮池池上爲橋橋之前爲櫺星門廟之後會饌有堂也啟聖有祠也聖製有亭也神庫省牲有所也廟之右爲明倫堂堂之東西爲兩齋爲儀門爲廨宇爲號房其外爲兩坊爲社學射圃俱絡以墻悉皆堊以丹漆講肄有居庖廩有舍至於邊豆壘爵更範以銅維經久而後已經始於甲

辰春三月十三日至丙午夏四月五日始落成焉百餘
年之廢墜一旦修舉若此誠一時之創見而改觀者也
邑博張君朝棟次第其事遣庠生鄭志綱徐松請記於
予辭弗獲已乃言曰我國家崇儒重道聖化熙洽學校
之興遍天下而師之所以教與弟子之所以學非六經
不治非孔子之道不講賓興賢能率由是出人才之盛
誠足以彷彿乎三代然郡縣之教往往修廢不常亦存
乎其人耳故觀學之興者知其教矣觀教之修者知其
政矣政教兼舉侯其人矣雖然居聖人之居當學聖人
之道若徒務詞章事記誦以取富貴是乃患得患失者
之所爲非盛朝崇重之盛心亦有負賢侯與諸君作新
之初意也予因嘉吳侯之美且以爲諸士子勸侯名大
章字宗堯號一梅泗之盱眙人也

戰馬記

夔州府通判
王禎事蹟

明
羅洪先

江西
狀元

王夔州公禎濟陽公孫也濟陽死靖難公死賊獲贈於
朝任一子廣吉水稱忠義家莫過之至其戰馬事有足
爲世戒者始公以太學生除夔州府通判纔五月會荆
襄賊石和尚流劫入夔焚巫山縣治是時同知蘇州王

公受牒捕賊性柔怯而險猾故託疾不敢出一兵公忿忿面責之曰汝食朝廷祿所主何事忍委赤子餓虎口耶卽代勒所部民兵晝夜行至則巫山已破賊方聚山中索擊之殺渠桀三十三人餘盡遁乃行縣撫傷殘招潰散久乃得歸居三日賊復劫屬邑大昌公促王王又不行而瞿唐衛指揮曹能柴成兩人與王素黨結遊禍多方詭辭庇之且激公曰公誠爲國家出力肯慨然復行乎公卽聲應曹柴兩人故酌酒賀更許以身相翼實爲脫王計公卽日勒民兵夾曹柴兩人赴之與賊夾水

巫山縣志

卷三十二

藝文

六

陣已而麾民兵畢渡趣戰曹柴望走公陷圍中自寅及申人馬疲誤入淖田不得出賊欲降之公大奮罵賊怒以刀斷其喉及右臂死淖中馬逸去成化丙戌五月九日也始公赴巫山夜宿木商家商故新淦人且稔公知賊不敵不敢言是日將暮有物嘯於山者商驚祝曰爲王公耶果爾當三嘯止如其言商密與家人負簣往尋亂屍中見白衣袴者公也載簣土令不深沒自死所至府三百餘里馬奔歸府門闐長嘶蹠其扁若告急狀守者納之血淋漓毛鬣盡赤眾始駭公已死而賊猶不解

後死之二十五日子廣始隨木商往殮之面如生不以暑腐然貧甚不能歸盡售行李與馬爲資而王意在馬不償值竟徒手得之櫬旣行距殮之二十五日夜已半馬哀鳴特異王命秣者加莖豆不爲止王疑秣者給已自起視櫬馬驟前嚙其項不釋口久乃得脫復奮首擣胸仆之地不省人翌日嘔血數升死賊旣平有司正功罪曹柴亦被誅嗚呼自昔相傳義馬事不一二皆言臨難能相濟也若夫辨讎怨微隱間切齒碎膺期在必報卽在人猶且難之豈公忠義之氣通於鬼神有使之然哉彼欺人不見中以機旣得自全復利其所有此其計至深秘也然卒不可逃若此世嘗言至靈者人畜之至賤者莫犬馬若也銜轡所制鞭策所驅固有衣冠介冑所不逮者至於施報反覆巧發閒值奇崛變怪反出於貴賤靈蠢之外是孰爲之主而一不少錯嗚呼可不畏哉可不戒哉公志狀載此事不盡情實公之孫鑾常灑涕言之余疑未信後十餘年始得實爲之記而鑾死已久則授鑾之子植用補狀志之略且以告世人

重修文廟碑記

國朝向登元邑令

今

上御極之十有九年春巫爲吳逆所據總督楊公奉

命征取之余以隨師招撫乃授茲邑惟軍務是辦他皆不暇及

也至二十有一年吳逆殲滅四方底定百姓始獲安堵

士農工商各職其業余乃進二三諸生而與之言文學

求所謂學宮者一派邱墟不惟無片瓦隻椽並基址亦

不可得諸生進曰巫自明末甲戌至今四五十年間寇

亂相仍康熙二年始入版圖學宮且爲營基矣余乃率

巫山縣志

卷三十二

藝文

三

諸生斬荆棘刈茅菅築臺立位朔望行禮焉因而歎曰

水火兼刀兵之慘凶荒助盜賊之虐禮樂崩而風俗壞

誦讀絕而詩書亡莫此爲甚余有司牧之責兼職學務

豈忍坐視而弗爲之理與乃獨肩其事遂鳩工度材平

基創宇顧力有所限不能恢宏其制茅茨不翦土階無

級而已迨二十二年夔太守吳公郡丞王公暨司馬王

公相繼莅任各捐俸以助之力役悉皆雇募民間一錢

一粟不費焉而學宮於是乎小備如所謂正殿啟聖祠

東西兩廡明倫堂戟門櫺星門名宦鄉賢祠泮池一一

悉如舊制然猶以爲隘也而多士咸相與慶曰巫當歷劫之餘經數百年未有之難侯今修數十年未興之事教數十年不教之民古所謂功在起衰幹旋剝復當不過是何以爲隘焉余曰是則然矣然余有進焉者學校之設所以講求三極之道沈浸五常之理化民成俗恆在於斯余見天下之學徧矣不過視爲祭奠之故事習爲跪拜之虛文已耳卽閒有肄業於其中者師生相與言惟帖括文義是尙科舉外事悉置而弗道也但指經術爲利祿之階而不推本於仁義禮樂孝弟忠信毋怪平日相率而入於欺僞之途其有負

巫山縣志

卷三十二

藝文

三

聖天子棧樸作人興賢育才之意也多矣諸生苟能率德勵行崇本抑末上繼洙泗之真傳下開來茲之實學於以黼黻

聖天子文明之化其光於學校者又豈僅在廟貌之崇宏已哉余不才敢與諸生勉之

文廟重修碑記

國朝龍德邑令

古之聖人教與養並重故樹藝之後卽繼以明倫誠重之也蓋人之在天下—物也雖心思智慮靈於羣族然

使無以裁成其所有餘擴充其所不足則所以異於羣彙者幾希而乃欺詐橫生貪欲滋熾曾羣彙之無知無識以還於天者弗若也故自漢以來聖君賢相欲成盛治必先正人心欲正人心必首隆學校此郡縣學之所以不可廢而其爲世道人心計者至深遠也巫邑之有學其來舊矣創始於元重建於明其間之或興或廢不知凡幾然未有兵燹焚燬蕩然無餘如明甲申以後者也我

國家之致太平於今幾數十年而巫邑尙隔

巫山縣志

卷三十二

藝文

三

王化搶攘於兵戈蹂躪之中今

上御極之二年始隸版圖學宮未及修復每逢春秋致奠暨以蓬華行禮於茂草叢棘間僅成故事至康熙壬戌歲前令向君登元乃謀於太守郡丞暨邑之紳士鳩工而建造之由是

大成殿

啟聖宮兩廡兩祠櫺星門煥然一新作者之功不可沒也惟是規模草創棟茅椽竹若有待於後人已巳冬余承乏茲邑始見而心戚然以動竊念

聖天子當陽百度俱新本原之地尙爾固陋廢弛如此何以端
士習而易民風乎忝司民牧不先務其大者遠者雖極
勵精圖治終不足以臻上理而復三代有道之長也越
庚午因集諸紳衿議之遂捐俸以爲之倡和之者有參
戎李公暨縣尉左右部司諸君爲之助乃得去茅茨而
覆以陶瓦其楹杙之朽腐者新之小不勝任者易之其
尙有關略因奉上憲清查田畝官士若民奔馳未遑遂
爾淹滯今秋復竭緡將兩廡櫺星照墻一一修補於是
文廟歸然非復舊觀矣惟時艱力微明倫一堂仍有俟於繼
起或余得久待罪於茲則漸次恢宏之勞又義有所不
辭凡爲政者於事之有關於大利小害當不憚艱悴以
興除之而况乎其爲起化之原欲正人心易風俗皆本
於此敢曰緩圖也而不思盡厥職以仰佐

聖天子作人之雅化也哉

大昌重修城隍祠碑記

明 崔奇勳 萬縣進士

我明分土子民司之以牧設險守國兼命於神凡以爲
保障計也昌邑界於夔門之東歷宦者以其僻在一隅
非大觀之地一切因陋就簡甚至居止之所坐視其蕪

穢而莫之省其於神祠何有正德庚午眞定董侯始大
恢其制而鼎建焉歲久荒殘風雨弗蔽寥寥五十年迄
無一人克承厥志者呂公自蒲郡擢尹此邦謁廟之初
惻然動念乃歎曰神所以衛民祠所以安神也祠之弗
葺曷以棲神之不甯曷以祐民固官守之責也於是
捐俸措材次第經理擴其舊而更新之先寢殿崇瞻仰
也次兩廊肅規度也次拜亭虔對越也次門闌限出入
也次藩屏嚴障隔也次坊牌樹表儀也諸惟典禮所載
以完以美視董侯有光焉夫治民事神學者事也然必

巫山縣志

卷三十二

藝文

三

先勤民斯可致力於神苟民瘼弗恤崇奉是圖抑瀆矣
公垂情撫字蕩滌弊源賦者均訟者平元元咸甯而後
力役斯興殊非勞民傷財輕於改作者他如臺司廳署
廨舍城郭府庫之類悉加締構秩秩可觀至於文廟頽
圯尤多工用宏侈見於楊子石峯之記可徵已甚爾陋
區未期月而規制大備非處置得宜怨讟其弗生乎夫
公私無兩重今北軒修舉廢墜日弗暇給迹其公義之
篤甯有一毫自利之私耶噫昌邑庶功固煥然維新矣
長人者能推而進之飭躬勵行以新其德彰軌覃化以

新其政則幽可以協乎神明可以孚乎人新民之全功
顧弗偉歟我萬州自賢君成侯以直道去十五載以來
鄙溷相仍循良絕響民之塗炭極矣柱史郭公太守張
公以公廉能素著特令攝篆於萬而昌邑則委之幕僚
蓋超格之典也視事無幾風采頓異予方喜斯人有二
天之慶因昌之士紳太學生鄭志綱庠生李康年輩屬
記予遂勉強成之

觀音閣記

國朝 劉朝柱 遊擊

巫山蜀勝地也山水環抱名賢仙釋列宇相望工遊覽

巫山縣志

卷三十二

藝文

三

者咸謂美不勝收余素有永叔癖意讀李杜峽中諸什
輒神往焉辛卯歲奉簡命來守是城訓練暇訪幽探奧
古蹟歷歷在目至問所爲祠觀亭閣之勝固已鬼哭墓
月佛卧牆陰所存者惟城中數刹而已然皆冷風沁骨
寒煙凝鼻不禁慨然興歎曰何荒涼若是必上無好者
故至此也余衙署東有廟存焉前漢壽亭侯殿後大士
閣也殿則榱棟崩折風日不蔽赤兔寡色青龍無光閣
則茅屋數椽小象一龕瓶花莫發鏡灰已冷猶令人不
堪注目每欲一新堂宇如蚊負山惟於前殿捐清俸繕

完緝做大士閣則有志而未逮也及歲之己亥邑之縉紳耆民踵門來謁欲募修大士閣余急延之入語之曰余欲修是久矣今諸君子唱無緣之慈行不捨之檀是余之志也請從而後諸縉紳曰某等所謂聞風而起者也登高之呼惟我公是賴故率以聽命余聞之輟然喜願與諸君子共勗之遂徧告同官及郡城諸公俱歡欣軍民亦喜捨悅來願勦其事因庀徒揆日崇基表剝凡五閱月層軒飛閣凌鏤辰星金姿寶相璀璨雲霓瓊枝寸寸梅檀片片畢舉無憾是雖未能盡古蹟之勝然試

巫山縣志

卷三十二

藝文

三

與邑人士登樓憑檻觀日月之所迴薄峽水之所沃蕩東望筮篔如鵬決起南望巫山列若畫屏西睇高唐朝雲飄渺北顧陽臺暮雨迷離諸勝蹟固已古今一覽矣又况曜慧日於康衢蔭法雲於眞際也哉於是喜將伯之多樂余志之成而爲之記

巫峯書院記

國朝 錢基 邑令

從來司牧者道在富民而富而不教則沃土尤多不材教以防其淫學校而外黨庠術序恆多其途以範圍而造就之巫爲蜀東邊末屢遭兵燹瘠土也年來生息休

養戶口日繁衣食有資民風敦厚第濱大江近甯厥習俗圭利競錐刀罔事詩書少陵記峽中風土所云大兒結束隨商旅豈其少成天性自昔爲然抑亦美風俗廣教化上之人有未備者余束髮受書家塾甲辰鄉試獲售七上公車庚午謁選調巫山下車之始卽有意振興文教念邑中子弟家貧無力從師者思古庠序遺意當有義學之設巫邑歷來未有歲癸酉奉督憲檄查飭修爰捐廉俸於明倫堂之左側移節孝祠於右得隙地建大門講堂廂房內房廚房共十三楹庀材鳩工初秋經

巫山縣志

卷三十二

藝文

三

始仲冬落成五閱月而竣顏曰巫峯書院更捐俸銀二百兩公項銀五十兩交商人每年生息作膏火修脯之資延師訓誨公餘親自校閱文藝次甲乙乃進肄業諸生童而告之曰學以學爲忠與孝敦崇實行博古通今務爲有用之業儲材預養今日之橫經負笈於斯者卽他日翺翔

皇路之人次亦冀其循循矩矱不失爲鄉黨自好之士夫呻吟三年河潤九里業成名立儒風之沾溉何窮苟或學殖荒落見異思遷其不流於逐末鶩利喜夸好事冒法

網以類其身名者幾希也余譴陋無能爲役所望後之
宰是邑者恢而張之行且文風日上人材輩出今茲之
舉特爲之嚆矢焉耳是爲序

重修巫山奎閣序

國朝 許堯文 邑令

我

朝文教覃敷遐邇一體府廳州縣皆有學學必建奎閣所
以崇祀典壯文風也巫山舊有奎閣在東城隅拱衛覺
宮聳峙巫峽有高閣臨江之勢丙子春燬於火故址蓬
蒿四壁徒立蓋五年於茲矣余來守斯土之次年聚都

巫山縣志

卷三十二

藝文

三

人士謀曰巫山古號名區人才輩出家絃戶誦彬彬然
禮樂遺風乃疊歲科目少遜於往昔意者其奎閣缺然
之故歟僉曰然重修有志特窘於費耳余曰祀典之興
廢文風之盛衰守土官之責也遂倡首捐貲兼籌公款
樂善之士同心集腋囑值年齋長潘君錫齡向君光斗
李君友梁董厥成仍其舊址剋日興工督工而盡瘁者
則有辛君世哲李君孝有諷吉則向君其衷也若夫贊
襄往來斟酌適宜更有楊君學海周君憲斌及同學諸
人焉羣策羣力志同道合計工於匠取材於山謀以眾

而愈精事以公而易舉七閱月而閣告成夫奎星主文昌廟制宜閣取象光明形家所謂培助風水收納秀氣理固然也今者踵事增華巍然特秀祀事孔明奎光朗耀從此地靈人傑文運較往昔而益開登桂苑入瓊林蒸蒸日上皆奎閣鍾毓之所致也豈不盛哉豈不盛哉用列樂助之姓名並磚瓦木石之費若干油漆彩畫之費若干工程雜用之費若干具列於石以誌不朽

巫山解

國朝 吳省欽 四川學使

巫山一在盧氏縣東北今濟南肥鄉縣西北七十五里

巫山縣志

卷三十二

藝文

无

齊靈公登巫山以望晉師是也一在巫峽爲秦巫縣地楚曰巫郡山之峯有十二合沓百六十里上有神女祠相傳赤帝女瑤姬行水而卒葬於是山之陽故宋玉賦謂之巫山之女昔殷太戊祖乙時巫咸巫賢世濟其美書傳謂以巫爲氏而馬鄭二氏顧以謂殷之巫官巫風歌舞倣自伊訓咸苟父子爲巫官君奭必不屑與伊陟並論特殷人尙鬼宛邱去殷都不遠婆娑擊鼓鄭註謂其好巫覡禱祈鬼神殷巫之名斯由以起至南人尙巫尤甚故曰人而無恆不可以作巫醫醫本從醫其從西

者酉卽酒也酒以降神藥得酒而行殆不止祝由之
其科而周禮箬人九箬之箬並讀如巫斯巫彭作鑿巫
咸作筮之說皆樂附於巫紛如而不可以詰屈子從彭
咸之所居猶以巫遞迹而已巫之爲工女則直曰巫男
巫亦曰覲一事陽神一事陰神九歌中湘君湘夫人皆
女巫所致之神餘七者則男巫所致漢郊祀宗廟之祭
用僞飾女伎不經已甚抑且並巫覲之實而黷之說文
巫視也女能事無形以舞降神者也楚俗尙女巫則其
所謂神必神女丹陽爲楚故都椒糝之要比尸而是情

巫山縣志

卷三十二

藝文

三

悅婉孌之態尤人所樂稱曰巫峽曰巫郡曰巫山大都
以巫起義彼不學之徒謂巫山之名以山形若巫字然
較巴水曲折如巴字之說更無據矣宋玉高唐賦言楚
先王夢見巫山之神女賦復言其夜襄王果夢與神女
遇浮誕之失幾類聚麀而又從而神之宋范致能陸務
觀所載神女之靈則江河諸水神往往類是若瑤姬治
水之說不將與黃牛神爭血食耶是故巫之始在殷巫
之紛在楚有是巫有是神而後有是山有是郡縣至山
海經所載黑水南之巫山與漢志安邑縣東之巫咸山

與此無與吾不復援以爲斷

巫山見於宋玉高唐賦其名古矣以山名縣古人常例
商之巫咸巫賢書未言其爲巫山人伊訓之巫風歌舞
周禮之男巫女巫巫通行於天下不止在一方宛邱之婆
娑擊鼓在陳而不在楚楚辭之湘君湘夫人在湘而不
在夔與巫山何涉此皆附會之談

老龍洞碑記

國朝 彭震 典史

建平西北境上距縣城四十餘里有赤溪焉環繞於崇
山峻嶺之麓山則有洞洞名赤溪由來舊矣夫洞亦何

巫山縣志

卷三十二

藝文

三

異異之於潭潭則何奇奇之於龍龍豈易見見之於魚
然而洞中之魚里人亦不數見往往祈雨龍則效靈遂
相傳爲老龍洞是也震竊疑之飛龍在天潛龍在淵原
難窺測洞中天地何關澤施乎轉而思之天心仁愛何
嘗不假物以效其靈龍而有靈事誠不可疑也震歷任
巫邑十載於茲嘉慶三年之夏霖雨稍歉直祈澤於龍
洞懸棧扳崖而上亦有所弗辭是洞也寬約二三丈點
點石精儼若干重鱗甲層層玉筍恍乎七級浮屠懸壁
峭拔形狀難以盡肖至窺其幽暗必篝火而入亦莫能

窺其所底止若夫潭水靜涵倏而一尾躍出長不過七寸巨口白鬚赤鮮遙映勢若迎人共相訝曰此又異於昔所見之雙鯉毋亦卽變化之老龍非歟不禁肅然起敬轉瞬間渺不知其雲行雨施從何而起迄今已逾七載猶惓惓在念又值夏秋之交父老仍以祈禱請震不畏險崎不嫌煩瀆如前謁禱雖臨境則魚不復出依然雨不愆期而油然沛然羣沾優渥共慶西成噫其果龍之靈乎抑非龍之靈乎何疊次祈禱無一弗應也震何人斯敢云念能感物誠可格天抑以此龍之靈求則必

巫山縣志

卷三十二

藝文

三

應豈類朱鼈之浮於波上黑蜨之躍於水底而爲時雨之驗也哉信乎此洞之老龍護國佑民非常顯應其受封於前明也已爲不虛而鍾靈於建平之赤溪也亦流傳不朽今并泐石以記其事云

抱甕亭記

楊佩芝

邑令

抱甕亭在署之東廣由來久矣乾隆戊戌年邑令金壇段君玉裁莅任添築一軒遍栽花竹顏曰十二峯前一草堂吳興費萬青爲之詞曰官衙閒地有一分小沼二分小圃種得蒼松翠柏好綠柳紅桃楚楚新築東軒重

開三徑老樹橫牕古鶯啼燕語笙簧噤噤堪譜扇遺曲
曲巫峯十二還作屏風護一卷南華清晝永消盡人間
炎暑竹裏鳴琴池邊抱甕瀟灑耽清趣公餘嘯詠此情
難與人訴蓋誌一時景物之勝也然昔人以抱甕名亭
殆有取丈人抱甕灌畦甯拙母巧之意云爾且甕基在
城東南隅良方一帶山遠而低形家咸謂非宜建此亭
者原非爲退食休息計今惟做軒獨存而亭久傾圮廢
爲荒圃道光元年知縣沈鴻遠復築亭址擬欲重建未
果四年知縣楊佩芝因其處增而廓之構屋兩楹繞以
垣籬雜植花竹疊石爲山引水貯甕庶復舊觀不沒前
人遺意

巫山縣志

卷三十二

藝文

三

寂寥居士傳

國朝 向登元

居士姓楊名世祿字守知別號寂寥居士其先籍燕之
贊皇諱安者以官生任戶部照磨陞令巫山遂家焉生
禎及祥祥生景清恩選未仕景清生鑑中宏治甲子鄉
試任通判鑑生鶴鶴生六子濂濂濟瀄淑深嘉靖己卯
濂以春秋解北闈濂以明經任廣文居士則濂之季子
也生而姿性聰敏狀貌魁梧識者知爲大受器幼隨父

訓上海受業於許隱君之門讀書以明理爲先力行爲本不屑屑章句之末下筆行文輒洞原竟委闡揚實義絕去支蔓松江諸先達成重之繼隨父遷諭崇甯致仕歸潛心下帷益勵所學視同儕時藝卑卑不足數丁酉游泮明年食廩父病朝夕侍疾夜不解衣伯兄早卒仲兄時已分爨父沒一切喪葬獨力經營不欲累兄與姪復以遺產均分丙午領鄉薦主司慶得人六上公車兩登會副以大母春秋高謀爲祿養遂筮仕英山英巖邑也山多而土瘠素稱難治邑有二巨族尤豪猾甫下車

巫山縣志

卷三十二

藝文

三

川文一

除火耗革積蠹勵士風清逋賊寬以濟猛德以先刑不逾年而政治大行巨族俱格心未幾調鹽城值旱蝗爲虐下命撲瘞令有罪者撲蝗准贖蝗弗戢齋戒籲天痛自刻責一時大雨霑足蝗盡入海化爲魚民捕魚有蝗首魚尾魚首蝗尾者士民咸歎異歷俸七年獎薦二十八次臺垣虛左待之適魏璫用事淮撫建沾德祠以諛之居士不爲用強之拒益力魏璫聞怒發緹騎逮之因熹宗晏駕未暇肆毒而當事不能釋然遂以輕侮上官中之海民赴闕叩閭者千餘人旨下部議欲自明大母

謂曰我已八旬爾猶不了將置我於海濱乎居士感泣遂奉大母歸抵里閉門養高公庭絕跡崇禎辛未大母告終居士亦五十有一矣時天下多事乃究心於三式虎鈴甲戌流寇入川肆虐邑令沈素慕居士才節託以守城爲建守禦十餘策區畫合宜川撫傅宗龍知之欲以邊才特薦居士堅辭庚辰流寇逼巫與縣令籌畫堅守相持半載一日賊欲斷流而過沈令登城望之大駭世祿笑曰無害詰朝將治酒於此以觀賊退是夜暴雨小江驟漲天明賊遁去是蓋邑令居士有德威以致之

巫山縣志

卷三十二

藝文

三

也閣學楊嗣昌受尙方爲督帥駐峽州禮聘居士督帥志在招撫欲待其黨盡降不戰自潰居士策以降不足恃督帥不納退而歎曰當事如此天下事尙可言哉會督帥委居士行視雲陽一帶隘堡而自守峽州居士不可督帥強益力遂行抵雲陽事竣甫返賊已由大昌麻渡隘越渡而開雲各隘皆不守矣督帥時亦提兵抵巫居士謁之有赧容居士曰事已至此亟命招撫尾賊後賊不得志必乘虛而返因嚴飭諸路隘設險伏奇以待之此變局中之勝著也督帥不以爲意未幾至瑪瑙山

賊引兵數千由開雲東下至巫極力攻城竟日不克而去督帥回舟至巫復往謁見且曰賊去甚速必走樊襄防之不可不早督帥乃行居士歸達以稟揭其不聽前言致敗之由仍規以降不足信宜改轍以蓋前愆之意差人甫抵峽州而襄陽果已失守壬午癸未間巴東以東悉降於賊邑令劉嘉增以居士舊能守城仍請助理居士如前區畫邑賴以安惟時兩淮旣阻鹽價昂貴士民惑於厚利與賊貿易守道劉麟長責邑令拘行鹽者百餘人欲斬之居士語曰小人逐利細事不從寬人人自危萬一不軌之徒揭竿而起是驅民以資賊無益令之不禁誠懼此非故縱也守道悟釋之甲申春賊遣招降牌入川居士令隘弁楊君才偵探獲二活賊歸問賊兵多寡賊以數不可紀惟乏糧多疲困對眾以爲安居士曰人多無糧定非妄語能扼險而守何懼明日川東鎮王之倫望風倡逃大江南北兵民奔竄勢莫能止而賊之前鋒已至邑令莫知所往居士歎曰門戶旣失全川休矣赴明倫堂自盡左右強止之乃渡江入山團集民兵以圖後舉又二日賊水陸兼進絡繹不絕月餘始

盡居士伏兵截殺之民間無所損是歲明莊烈帝遇害
居士遂感傷成疾此時大物已移小材難支高李十三
家後又遭于大海劉體純等慘劫盤據雖隨時應變多
所保全而鬱鬱無聊竟由是發憤以卒此其所以自號
寂寥居士也所著有寂寥居士近稿仙掌樓新菀倒峽
集一枝鳴等書兵火後皆散失不復存云

按寂寥居士可謂奇才向公此傳可稱史筆如此有關
世教之文舊志弗錄其全何異買櫝還珠

巫山縣志

卷三十二

藝文

檇杙傳

國朝 向登元

檇杙何爲而傳哉蓋取義於宋之張唐英也昔王建據
蜀勦滅之後唐英作蜀檇杙以斥之所以垂戒也乃有
其人同其事同事不足載故爲之傳猶之乎唐英垂戒
之義也巫山有姓王名文錦字性組者生而穎悟十二
爲諸生至明末丁亥蜀中久遭流寇之亂時巫山爲劉
二虎所據文錦欲卜築於雲安不果乃寓於南浦至己
亥歲順治之十六年也督軍李公率兵平定東川文錦
乃與陳貴榮高鶴鳴等據羅子城以抗

王師久不下有諸生李岸者督軍命往說之文錦接待甚
驩李生方欲言文錦拒之曰兄欲作說客耶吾請代言
之將必曰俊傑貴識時務若能順天富貴可立至也將
必曰爾無官守言責何爲執迷不悟草莽餘生豈能壽
汗青耶將必曰四海皆定彈丸豈復能支兵馬雲集守
砦之眾豈能保其初終耶兄之所說不過此耳李生曰
雖不過此請再三思文錦曰吾思之熟矣豈僅三哉第
行吾之是而已矣兄無復多言從此永訣矣李生歸報
督軍李公並述其門聯云奉永曆十四年正朔存大明

巫山縣志

卷三十二

藝文

三

三百載綱常督軍復命耳毒禪師招之文錦終不移督
軍怒促兵攻之破其寨文錦死於軍爰戮其屍嗟乎予
觀文錦孝義自有可嘉及感格降賊從善固亦士類中
之皎皎者奈何不順天命不識時務身死而天下笑是
亦蜀之櫛札也誠可惜哉

向五峯先生墓志銘

明譚 啟

五峯向先生體質魁梧風神朗秀溫其珪璧凜若松筠
身七尺美鬚髯性機敏善識事春秋五十有五而卒先
以子轍壻於啟曾命子轍曰吾生平事在他人可知其

慨惟爾岳父知之審矣倏萬厯庚辰選官北上授楚巴東簿意甚不滿遂因病卒其子轍奔歸越十五載卜吉告殯迺託余銘其墓余竊揆寒窗時辱先生不以微庸見棄契結朱陳以迄於今先生履厯予知頗熟臨終之託烏可辭也嗚呼先生不復作矣予不得爲先生役矣今忝樞要若吝不腆之詞何以慰先生於九原耶先生諱萬言字唯謹五峯其別號也父鳳以勤善居積致粟資巨萬先娶高氏有賢聲生萬寶課以詩書得入邑弟子員續牛氏苦辛操室淑慎堅貞故鍾先生也先生善

巫山縣志

卷三十二

藝文

三

讀書好施惠翼翼其心冲冲其容動作之間規行矩步言惟不出口出則仁義藹如疊疊忘倦且勇於爲義遇患難及閭中有不能葬娶者輒傾囊濟之無吝容嘉靖壬子年入大學歸奉慈顏竭力盡孝事其兄如父晨夕問安出入從命其兄歿撫其姪孤曰正曰斂曰肇不啻己子且雅重賓客延覽海內名公愛治圃園喜種花竹與親朋故人以詩酒相娛樂於山水間卽漫譎古今哲人詩詞四方士大夫聞其風者爭納款願交新都狀元楊公慎嘉其雅况曾有詩賦遺之家庭肅然訓飭諸子

不懈其正吾意先生筮仕進建豐功昭偉績當未有艾也胡爲天不與善神無福謙不其悲哉卒後鄉之稚耄無親疏咸歎曰善人亡矣善人亡矣初配譚氏南康縣令譚廷傑之女先公卒女一適士族廩膳生楊深繼娶世族鳳翔女何氏生男六曰轍太學生曰激曰孜曰敢曰鰲俱邑庠生曰徽值蒙養象貌資質亦皆偉器可造也孫男五曰純誠曰必誠曰意誠曰一誠曰先誠孫女三媳一大明嘉靖丙戌六月十七日生之辰也大明萬曆庚辰五月初一日卒之辰也甲午年五月十六日幸

巫山縣志

卷三十二

藝文

罕

獲潼府名僧號曰天乘遷於東細腰宮艮山坤向迺葬之所也嗚呼先生之行已幾古人爲先生之可自致者全其天也先生之處則猶今人在先生之不可必者安其命也或者以先生之抱負不獲一仕而止爲惜抑不知先生雖歿而有不歿者存法宜銘銘曰紫陽蒼蒼道大彌彰葉大枝著散於四方五峯之高聳岫而翠潛德炳耀蔚有奇氣如彼榭楠弗棟弗梁如彼椅桐弗檝弗張天賦之秀宜畀之厚雖弗與官胡禡其壽子孫誥誥戩穀爾臻我銘有徵視此刻文

慎軒史公墓志銘

國朝

杜秉直

君姓史氏諱士銓字晉衡號慎軒江南上元人家乘散
軼先世支派不可盡曉曾祖元輔祖瑞卿皆處士父朝
棟先任巫山尉後終山西吉州吏目母彭氏生子五人
君其次也少隨父宦旣秩滿他遷寓家於巫因占籍焉
雍正年間應童子試與伯兄士鏞同補弟子員益篤志
攻苦記誦揣摹欲以科名自奮時太翁供職吉州君歲
一省視往來三晉兩河間結交多名下士故所知倍進
迨太翁捐館舍匍匐奔喪葬祭哀禮兼盡仍謹守先人
遺訓與諸昆季經理家政外績學弗少衰每省試必預
然困於場屋年踰四十猶瓠落諸生中乾隆十八年舉
行選拔科學使者虞城葛眉峯先生劇賞君文拔之以
充是選鄉評咸謂得人

巫山縣志

卷三十二

藝文

聖

廷試後例授司訓而銓選需時遂由京師旋里君素諳吏治
權夔郡事成都府司馬富公邀入幕一切案牘胥賴匡
襄會富公擢潁州太守君亦客遊潁上藉展祖墓於江
甯未幾富公緣事去任君卽歸自是不復他出授里中
弟子經從遊者日盛家故貧兄弟皆不善治生太孺人

在堂盡所得館金供甘饑曲承歡心至太孺人歿而送終克慎不使有悔方諸昔人所謂食子收子殆一身兼之矣君中年以後同氣凋零言之輒歔歔不已者累日晚與少弟鐸同居未嘗暫離其天性之厚有足多者平居非公事不謁見官長課徒稍暇卽究心岐黃之術療人疾無問貧富踵門悉應其請昏夜風雨必立起如是三十年多所全活人以是德之乾隆四十七年春部注鄰水縣教諭君自揣精神矍鑠足任師儒之席欣然束裝以往

巫山縣志

卷三十二

藝文

聖

令甲初任教職者必經大府試驗君因先入成都事甫畢而遘疾猶謂藥之當愈謀由水道下渝再折而至於鄰水詎意四月十七日舟次青神縣溘焉長逝距生於康熙五十年九月十四日享壽七十有二配吳孺人先君十三年歿年五十有一孺人壺行之賢具見君自作壙志中子一曰簡清縣附學生娶羅氏並天女一笄而未字天皆吳孺人出孫男一殤君之歿也去其少弟歿之日才後十旬耳是時子行獨少弟一男簡在年甫髫鬣應承君伯兄後以故竟無爲君嗣者嗚呼人生兄弟夫

婦子孫至於垂老而俱盡而一官甫膺曾未略試其長
又因此不得告終於家以成禮是可哀也先是君有女
弟歸章氏夫婦相繼物故有子男曰珣君往成都挈與
偕行謝世時珣實在側乃爲購材藉幹扶之以歸簡在
弱且貧幾不能爲葬君計賴諸及門釀金謀事窳窳於
癸卯年冬葬君於北關外官家溪山麓與元配吳孺人
合兆昔吾夫子於朋友之死而無所歸者曰於我殯今
君之羣弟子不忍師之匱終歸暴露倡議合力成塋庶
幾誦法聖人者而亦足以見君教澤之及人爲不可泯

巫山縣志

卷三十二

藝文

三

矣於其葬也君之弟子及猶子簡在奉狀乞銘於余余
與君爲同學舊交不容以不文辭特以君文行兼優而
又存心利物其所遭至於此極實有不忍述者雖然君
固達者也爲達者述往事奚其傷爰序而銘之銘曰嗚
呼君曷歸兮歸其室魂兮魂兮作良匹古木蒼蒼兮茲
壤惟吉自今以往允保厥康兮無恤

余公錫煌傳

黃先猷

余嘗考古文集中無有立傳於生前者生前立傳必其
人有可傳之實如司馬君實之於范蜀公是也余曉齋

公名錫煌字緒楚號曉齋其封翁於乾隆年間自楚北
徒步來川家巫山旋經紀甯厰精管子鹽筴法賃竈煎
鹵生子四公行三負性誠篤慎交遊好讀書詩文冠絕
羣倫少應童子試縣府院均列第一錄科以優等食餼
一時文名大噪屢叨鸚薦未售納貲就廣文嗣署冕甯
繼署嘉定訓諸生以讀書立品爲先後以親老歸省奉
親命弟兄析居凡田房器具絲毫無爭人詢之公曰君
不聞古薛包分家之讓美受惡乎我不能學其讓已滋
愧矣爭胡爲者西城外舊有張公礮圯壞已久封翁有

巫山縣志

卷三十二

藝文

四

意重修未果而壽終公默念先志不可忘商弟姪捐貲
重建計費萬金落成後值沈鑑齋明府莅任據實申詳
旋奉部議於本班中加級銓用授慶符教諭在任數載
課訓如前一日於縣署會飲其明府某器公才品以保
薦爲公勸公曰仕非吾願不仕亦非吾願吾性喜靜案
牘繁冗之任吾非其才亦非吾之所願始而必博一職
者爲親存也且禮官也親沒而復奉銓來茲土者拜君
恩也成親志也君與親今兩適所願復何求蘇子曰君
子不必仕不必不仕吾爲續之曰不必久仕行且賦歸

來矣閱半載解組歸里意自適也公年逾古稀精神飲食與少壯無異不履公庭不與外事以課孫自娛閒則吟風弄月樂養天年余間至其處幾不知其居之近市而囂塵者易曰幽人貞吉其謂是歟嗟夫利權人所羨而公淡之形勢人所趨而公遠之義舉人所慳而公樂之謂之仕以文章爲法律謂之隱以城市爲山林介仕與隱之間而獨有其天其淡定然也豈非今之古人哉

子安黃公德教碑序

王思曾

嘗聞師道立則善人多蓋謂以師教人薰其德而善良

巫山縣志

卷三十二

藝文

碑

也顧當時則榮歿則已煙滅而不彰者何可勝數乃有以德立教如文翁化蜀伯起鱣堂講學從風徼人往下追慕焉而載之史乘泐諸貞珉以傳之者求之近晚間往往難其人而不可必得如我子安夫子者其庶幾乎先生姓黃氏諱先猷號子安巫陽有道士也生而穎異志氣豪邁其爲人端毅儒雅孝友任恤一切義行載在家乘先生幼時封翁九達公重道尊師以重聘受業蘭友王仰山夫子之門其讀書立品同堂得其攻錯者頗多戊辰年應童子試屢拔前茅以榜首入泮邑侯胡竹

堂夫子名士也深加器重爰假館而受業於門於是文名大噪人咸以翰苑期之庚午晉省未第留住錦江書院肄業潛心銳志淹貫六經縱橫子史每課藝輒登首選住院九年屢薦不售越癸未年獲膺選拔意謂從此破浪乘風稍展生平志願殊乙酉科薦復落第北上朝考亦得而復失先生離錦江後賢士大夫爭迎或代掌文衡先生擁皋比縱論古今歷成都華陽灌縣渠縣等處悉以經師尊之繼因養親念切倦遊思返移視隣封復掌教聖泉書院奉大巫開四縣士林中踵門而請

巫山縣志

卷三十二

藝文

吳

益者趾相接也故生徒采芹食餼掇巍科膺特選者絡繹不絕晚年居朝陽洞別業教子課孫所著有左傳題引育英館文稿雖未付剞劂已不脛而走傳寫殆遍噫建平素號名區近多華而鮮實先生善教循循文風爲之丕振設教四十年近連夔右遠被蜀西轉相授受薪傳不竭人惜先生不得志而屈於教授吾謂先生之不得志者正天之欲先生嘉惠後學也會以蔦蘿從遊門牆荷先生甄陶久今幸登賢書入仕版皆先生賜也自應益州卓相國之聘未獲長侍函丈歸來時聞先生旦

赴修文本壞山頽吾將安仰然而芳踪雖渺風教長存
茲因同門諸友不忍忘先生之德之教故略敘梗概垂
諸貞珉以備他日輶軒者之採擇焉

何烈婦傳

國朝 向登元

烈婦姓張氏巫山之下里人也生於崇禎年間其父士
魁充邑吏溫和勤慎終身無刀筆氣故邑人士皆愛之
烈婦其季女也聰慧性成姿容端麗工刺繡善洞簫幼
許聘何氏子亦翩翩俊少也烈婦將及髻何氏子因病
跛其一足其後父母亡家貧合卺之後烈婦敬執婦道

巫山縣志

卷三十二

藝文

三

里中輕薄兒語曰張氏女固少年尤物也豈甘爲跛驚
妻耶語聞於其夫何氏子自揣殘形疑爲婦之厭已也
惡聲厲色日加焉烈婦順受之無怨言無愠色執婦道
益恭鄉鄰族黨咸無間言丁亥歲寇亂接踵夫婦潛避
於邑東北之豆子寨至辛卯劉體純連營過江縱兵分
掠攻破其寨何氏子不能行墜巖而死烈婦同寨中男
婦被虜至營時體純踞坐高阜旁設烈火數十所煨赤
鐵以備炮烙劊刀利刃數十副用以截腰斬手小刀鐵
鈎用以剔目拔舌斷筋更栽大椿大槩用以凌遲披剝

酷刑慘烈見者心膽俱喪叫號之聲振動山谷烈婦面不改色惟背坐掩泣時有甲將見婦姿色殊麗欲得以爲妻劉許之甲將趨至婦所促其行烈婦以頭觸地誓死不從劉面諭之曰彼吾之戰將也爾爲之婦不逾於民間耶烈婦聲色益厲劉佯以刃威之烈婦引頸就戮劉置刃歎曰我戎馬數十年僅見此婦乃改容諭之曰今不爾強且悉放爾邑中男婦爾可隨去烈婦曰丈夫已死無所歸劉曰豈無親識耶烈婦曰少年寡婦更將誰依劉曰配人不從放爾不去爾欲如何烈婦曰遭逢

巫山縣志

卷三十二

藝文

哭

至此豈忍偷生倘蒙憐憫容自盡足矣劉曰隨爾自便烈婦拭淚從容起就營旁空室中解帶自縊劉具棺衾厚葬之兵眾悉爲哀戚嗟乎士大夫素秉禮義及臨難徘徊瞻顧身名俱喪者眾矣烈婦產於蓬蒿出身微賤夫存惟執其敬困苦艱難不計也夫亡惟知有死刀踞鼎鑊弗懼也從容就義古人爲難而乃於巾幗中得之惜乎身處亂世旌表弗及余故傳之志乘使共千古忠孝與日月爭光云

何節婦唐氏墓誌銘

國朝 朱有紱 府教授

孺人姓唐氏設悅於康熙癸巳蓋棺於嘉慶丙辰享年八十有四又越二十一載至丁丑而後銘其曾孫巫山廩生何天衢來請曰生聞祖父言先曾祖妣唐孺人生三日父母貧欲移居雲陽而以孺人見託我先高祖妣丁孺人遂撫之以爲先曾祖秀章公配自乳哺時丁孺人已知其與羣小娃異方八齡使之負薪山中孺人奉命往山故有虎患踰時方歸駭汗猶未已丁孺人曰汝何爲者也曰幾不免於虎口賴羣牛環衛之得不死丁

巫山縣志

卷三十二

藝文

異

孺人知其非僞也且慰之復心奇之曰是必有後年二十遂成室焉數年不育丁孺人望孫急謂秀章公曰俗有壓長之說盍繼諸乃繼我伯祖大成公公實余姓也孺人不以異姓故而視若己出越二年果得我祖父大位公而秀章公遂於是年卒丁孺人大慟曰天何絕我之甚也夫早死子又死吾何以生爲孺人乃掩泣請曰有媳在吾姑其無憂丁孺人知其能憂少減不意禍從中來竟有潛謀奪孺人志者其譎悍爲倍常孺人知之告於眾曰吾生三日卽離父母微吾姑吾何以活也吾

二子甫數歲微吾吾二子又何以活也謀奪吾志者不獨破吾家是直欲殺吾二子也吾去姑無以存又直欲殺吾姑也姑不活二子不活吾又何以活爲哉乃釐面自創者數四旁觀者咸泣下力止之而奪志之謀亦寢厥後丁孺人八十乃卒大位公得子男六人孫男十七人曾孫男四人此六世者皆孺人所親見也生德薄不能闡揚萬一特仗椽筆以傳之存沒感且不朽予辭再三不獲乃曰爾曾祖母之不死於虎也以虎猶有人心也是虎而人者也爾曾祖母之幾不免於奪志者之手也以人而有虎心也是人而虎者也究之虎與人皆不能有所損於爾曾祖母是爾曾祖母之所以承天眷及其所以有後嗣者其道果安在也爾子孫可無思哉可無思哉因系之以銘曰

惟節與孝德垂不朽宜爾子孫克昌厥後

潘氏三代節孝合傳

國朝
舉人 王 庚

節婦潘馮氏邑武生潘朝松妻也生於乾隆癸未年十四于歸事翁姑以孝聞翁姑歿氏綜理家事佐朝松肄習舉業丁未生子珍己酉朝松病故珍甫三歲氏年二

十六賴先世有薄田用不足濟以紡績家遂漸裕珍成
立娶楊氏生一子一女珍性沈潛耽讀馮氏每篝燈以
針帚伴之方冀其發名成業不料辛未年病故子亦繼
殤姑與婦嘔心泣血痛不欲生幸遺孤在腹越三月生
子承祖於是力行善事殮遺骸施棺木賑孤貧凡有濟
於人者靡不竭力爲之道光六年丙戌馮氏卒壽六十
有四承祖既長身材魁梧勤於讀書應童子試屢
列前茅娶王氏生子錫齡甫三歲承祖病故姊適李門
亦故王氏時年二十三歲上事孀姑下撫孤子零丁孤

巫山縣志

卷三十二

藝文

五

苦三世一轍迄錫齡長而王氏憊矣己酉錫齡完配李
氏生子五女四蓄而必發理勢然也庚申錫齡母王氏
卒壽四十八歲壬戌錫齡祖母楊氏卒壽七十七歲先
是道光元年邑人士合詞具稟爲馮氏請旌丙午爲楊
氏請旌同治壬戌爲王氏請旌俱蒙恩允建坊旌表嗚
呼余觀潘氏三孺人之苦節大約相似惟楊孺人所值
爲最慘而其功爲尤著當錫齡祖歿後錫齡之父未生
潘氏禋祀不絕如帶分娩之夕姑守其旁以頭觸柱男
則姑媳俱生否則俱斃其景况令人不堪設想一旦媳

無子而有子姑無孫而有孫一綫之延絕而復續善人
有後信不誣也惟歷代好施所費不貲家幾中落楊孺
人撙節積累不數年而田產倍增樂善之心老而彌篤
錫齡子女眾多環繞林立孺人猶及親見之嗚呼孺人
年十五適潘氏二十六而孀居年近八旬仍筦鎖鑰主
家政四五十年中心力殫矣其有功於潘氏爲何如哉
錫齡以廩貢候選教職署廣安州訓導病故錫齡長子
祚源入邑庠諸子各勤於學後嗣繁衍天之報施善人
尙未艾也然而清風亮節萃於一門如三孺人者洵足
激勵末俗維持世教可以傳矣錫齡母王氏余姊也知
其家事詳故縷述其巔末而爲之傳

巫山賦

宋蘇轍

過瞿唐之長江兮蔚巫山之嵯峨孤雲興其勃勃兮北
風慨其揚波山嶽崆而直上兮越至神女之所家峰聯
屬以十二兮其九可見而三不知蹊遂蕪滅而不可陟
兮元猿黃鶴四顧而鳴悲覽松柏之青青兮紛其若江
上之菰蒲維其大之不可知兮有撓雲之修柯蔓草蒙
茸以翳兮飛泉潔清而無沙亭亭孤峰其下藜木交錯

巫山縣志

卷三十二

藝文

五

而不明兮若有美人慘然而長嗟斂手危立以右顧兮
舒目遠望恍然而有所懷儼我我其有禮兮盛服寂寞
而無譁臨萬仞之絕險兮獨立千載而不下追懷楚襄
之放意肆志兮泝江千里而遠來離國去俗兮徘徊而
不能歸悲神女之不可以朝求而夕見兮想遊步之透
遲築陽臺於江干兮想氣氣之參差惟神女之不可以
求得兮此其所以爲神湛洋洋其無心兮豈其猶有懷
乎世之人朝雲蔚其晨興兮暮雨紛以下注變化倏忽
不可測兮俄爲鳥而騰去忽然而爲人兮珮玉鏘而琅

巫山縣志

卷三十二

賦彙

五

琅愛江流之清波兮安燕處乎高唐彼蛟龍之多智兮
尙不可執以冒寧高邱深其蒼蒼兮悅誰識其有無

高唐賦

楚宋玉

昔者楚襄王與宋玉遊於雲夢之臺望高唐之觀其上
獨有雲氣崒兮直上忽兮改容須臾之間變化無窮王
問玉曰此何氣也玉對曰所謂朝雲者也王曰何謂朝
雲玉曰昔者先王嘗遊高唐怠而晝寢夢見一婦人曰
妾巫山之女也爲高唐之客聞君遊高唐願薦枕席王
因幸之去而辭曰妾在巫山之陽高邱之岵且爲朝雲

暮爲行雨朝朝暮暮陽臺之下旦朝視之如言故爲立
廟號曰朝雲王曰朝雲始出狀若何也玉對曰其始出
也暎兮若松樹其少進也晰兮若姣姬揚袂朝日而望
所思忽兮改容偈兮若駕駟馬建羽旗湫兮如風淒兮
如雨風止雨霽雲無處所王曰寡人方今可以遊乎玉
曰可王曰其何如矣玉曰高矣顯矣臨望遠矣廣矣普
矣萬物祖矣上屬於天下見於淵珍怪奇偉不可稱論
王曰試爲寡人賦之玉曰唯唯惟高唐之大體兮殊無
物類之可儀比巫山赫其無疇兮道互折而曾累登巖

巫山縣志

卷三十二

賦集

五

巖而下望兮臨大隄之積水遇天雨之新霽兮觀百谷
之俱集溟洶洶其無聲兮潰淡淡而並入滂洋洋而四
施兮翳湛湛而不止長風至而波起兮若麗山之孤猷
勢薄岸而相擊兮隘交引而御會翠中怒而特高兮若
浮海而望碣石礫礫礫而相摩兮熠震天之磴礧巨石
涓涓之淺澗兮沫潼潼而高厲水澹澹而盤紆兮洪波
淫淫之溶滴奔揚踊而相擊兮雲興聲之霈霈猛獸驚
而跳駭兮妄奔走而馳邁虎豹豺兕失氣恐隊鵬鵠鷹
鷂飛揚伏竄股戰脅息安敢妄擊於是水盡盡暴乘洑

之陽鼉鼉鱸鮪交積縱橫振鱗奮翼蛟螭蜿中阪遙
望元木冬榮煌煌熒熒奪人目精爛兮若列星曾不可
殫形榛林鬱盛葩華覆蓋雙椅垂房枓枝還會徒靡澹
淡隨波闌藹東西施翼猗狔豐沛綠葉紫裏朱莖白蒂
織條悲鳴聲似竽籟清濁相和五變四會感心動耳迴
腸傷氣孤子寡婦寒心酸鼻長吏墮官賢士失志愁思
無已歎息垂淚登高望遠使人心瘁盤岸嶮岼振陳磴
磴盤石險峻傾崎崖隤巖嶇參差縱橫相追陬互橫梧
背穴偃蹠交加累積重疊增益狀似砥柱在巫山下仰

巫山縣志

卷三十二

賦彙

五

視山巔蕭何芊芊炫耀虹蜺俯視峭嶒窅窅窈冥不見
其底虛聞松聲傾岸洋洋立而熊經久而不去足盡汗
出悠悠忽忽怙悵自失使人心動無故自恐賁育之斷
不能爲勇卒愕異物不知所出縱縱莘莘若生於鬼若
出於神狀似走獸或象飛禽譎詭奇瑋不可究陳上至
觀側地蓋底平箕踵漫衍芳草羅生秋蘭蒨蕙江離載
菁菁荃射干揭車苞并薄草靡靡聯延天天越香掩掩
眾雀嗷嗷雌雄相失哀鳴相號王雎鷓黃正冥楚鳩姊
歸思婦垂雞高巢其鳴喈喈當年遨遊更唱迭和赴曲

隨流有方之士羨門高谿上成鬱林公樂聚穀進純犧
禱璇室醮諸神禮太一傳祝已具言辭已畢王乃乘玉
輿馴蒼螭垂旒旒旒合諧絀大絃而雅聲流洌風過而
增悲哀於是調謳令人淋悞悞悽脅息增欷於是乃縱
獵者基址如星傳言羽獵銜枚無聲弓弩不發罕罕不
傾涉潏潏馳萃萃飛鳥未及起走獸未及發何節奄忽
啼足灑血舉功先得獲車已實王將欲往見之必先齋
戒差時擇日簡輿元服建雲旒蜺爲旌翠爲蓋風起雨
止千里而逝蓋發蒙往自會思萬方憂國害開賢聖輔

巫山縣志

卷三十二

賦彙

美

不逮九竅通鬱精神察滯延年益壽千萬歲

神女賦

楚宋玉

楚襄王與宋玉遊於雲夢之浦使玉賦高唐之事其夜
玉寢果夢與神女遇其狀甚麗玉異之明日以白王王
曰其夢若何玉曰晡夕之後精神恍惚若有所喜紛紛
擾擾未知何意目色髮鬣乍若有記見一婦人狀甚奇
異寐而夢之寤不自識罔今不樂悵爾矢志於是撫心
定氣復見所夢王曰狀何如也玉曰茂矣美矣諸好備
矣盛矣麗矣難測究矣上古旣無世所未見瓌姿瑋態

不可勝讚其始來也耀乎若白日初出照屋梁其少進也皎若明月舒其光須臾之間美貌橫生擘兮如花温乎如瑩五色並馳不可殫形詳而視之奪人目精其盛飾也則羅紈綺縠盛文章極服妙綵照萬方振繡衣被袿裳纓不短纖不長步裔裔兮曜殿堂忽兮改容婉若游龍乘雲翔嬈被服悅薄裝沐蘭澤含若芳性和適宜侍旁順序卑調心腸王曰若此盛矣試爲寡人賦之玉曰唯唯夫何神女之姣麗兮含陰陽之渥飾被華藻之可好兮若翡翠之奮翼其象無雙其美無極毛嬈鄣袂

巫山縣志

卷三十二

賦彙

五

不足程式西施掩面比之無色近之旣妖遠之有望骨法多奇應君之相視之盈目孰者克尙私心獨悅樂之無量交希恩疎不可盡暢他人莫覩玉覽其狀其狀我我何可極言貌豐盈以莊姝兮苞潤温之玉顏眸子炯其精朗兮瞭多美而可觀眉聯娟以蛾揚兮朱唇的其若丹素質幹之醲實兮志解泰而體閑旣婉孌於幽靜兮又婆娑乎人間宜高殿以廣意兮翼放縱而綽寬動霧縠以徐步兮拂墀聲之珊珊望余帷而延視兮若流波之將瀾奮長袖以正袵兮立躑躅而不安澹清靜其

情嫵兮性沈詳而不煩時容與以微動兮志未可乎得
原意似近而既遠兮若將來而復旋褰余幃而請御兮
願盡心之惓惓懷貞亮之潔清兮卒與我兮相難陳嘉
辭而云對兮吐芬芳其若蘭精交接以往來兮心凱康
以樂歡神獨亨而未結兮魂恍恍以無端含然諾其不
分兮喟揚音而哀歎頽薄怒以自持兮曾不可乎犯干
於是搖佩飾鳴玉鸞整衣服斂容顏顧女師命太傅歡
情未接將辭而去遷延引身不可親附似逝未行中若
相首目略微盼精彩相授志態橫出不可勝記意離未

巫山縣志

卷三十二

賦彙

五

絕神心怖覆禮不遑訖辭不及究願假須臾神女稱遽
徊腸傷氣顛倒失據闇然而瞑忽不知處情獨私懷誰
者可語惆悵垂涕求之至曙

神女賦

宋晁公邁

漢武帝既封泰山之五年臨朝而歎曰朕念元元之民
未蒙休德周覽中土以施惠澤而南方以遠故獨弗及
也朕甚憫焉是冬詔發仗飛羽林之士簡車騎之眾盛
清道之儀天子御雕玉之輿服龍文而駕魚目擊蒲稍
而驟躡雲至於盛唐望九疑登天柱薄樅陽而出休於

瑯琊天子大悅作盛唐縱陽之詩會協律都尉延年歌
之以觴羣臣酒未半天子戚然不懌時東方朔枚舉侍
因進曰陛下不懌臣敢請罪帝曰朕適望瑯琊之上忽
然雲興其氣甚異因感高唐之事聞楚陽臺之山下有
神女旦爲朝雲暮爲行雨朕心慕之異時諸方士嘗言
仙者非求人主人主求之乃可致今往遊天下冀一覩
列仙之屬而莫獲焉殆朕之德不如楚王能有所遇也
是以不懌朔跪曰楚王諸侯耳有臣宋玉善爲微詞感
動神女見夢於王臣嘗笑之玉安知神女若臣者乃知

巫山縣志

卷三十二

賦彙

堯

之上意乃解命謁者給朔札使爲之賦朔卽獻詞曰

徑西方之綿邈兮積閩風之崇基繚玉墉以千里兮右
翠水而左瑤池崑崙層峙以差峩兮弱淵周流而逶迤
中龜臺之清都兮螳洪敞而甚治粲丹房與石室兮竈
浮雲而上齊諒豐隆列缺之矜工兮斧雷霆而斲之疏
懸黎以代礎兮瑩結綠而飾墀虞淵倒影而下射兮光
反激以交馳萃飛仙之遊遨兮餌若英而咀瓊枝臺叢
霄之靈璫兮歌曰雲而忘歸狀愉樂而不可殫兮非羽
輪其莫窺帝九靈之少女兮其名曰瑤姬受素書於紫

清兮含洞陰之華滋習玉瑛而厭處兮乘回飈以長辭
狂章大翳爲之奉轡兮策蒼虬而駕白蜺馭八景之玉
轄兮曳紛綸之雲旗載靈氣而輕舉兮竭鸞戾而鴻飛
涉巨溟之層波兮將攝闕闕乎南箕聆夢澤之雄爽兮滌
天水之相圍介青邱而澶漫兮奄高唐以冥迷忽意樂
而延伫兮弭絳節以徘徊出丹笈授夫神禹兮靖九土
而安柔祇下民懷斯遺烈兮卽石化而爲祠象瓊光之
華闕兮騫辛夷以爲楣矯藻棟以乘虬兮烈葯房而張
薛帷羣峯連卷而十二兮爛雲屏而揚輝儼玉立而正

巫山縣志

卷三十二

賦彙

李

中兮貌渥飾而具宜沐蘭澤而含若芳兮被袿裳而繡
衣炯黼粧之豐麗兮淡聯娟之修眉肅容華之拱侍兮
紛環珮之陸離神武蹲而抱闕兮夕夾陛以文狸猿猱
悲吟以度曲兮女媧倚歌而舞馮夷三足鳥往來爲之
使兮訛東華之靈妃迹逍遙乎中區兮亮素節之靡移
鼻祖祝融之裔子兮竊息媯以荆尸蠱文夫人於前兮
後又奪鄖陽子之妻豹鳥斃掩而攘內兮蠶目暴辛而
蒙眚黑要挾夏而與居兮於菟盜邛而遂孽世非淫而
上蒸兮嘗覓刺於湘纍橫下臣繫宋玉兮揆暴厲之不

可規稱先王常與靈游兮薦枕席而變私今胡爲而復
遇兮意託諷於微詞啟後世之警惑兮誑魄化而爲芝
日媚而服焉兮則恍惚與夢期宜聖覽之孔昭兮獨超
悟於昨非厲皇荒德而慢神兮禍源起乎龍旅悼衛蒯
之失國兮艾豨實發其亂機屏宓妃而卻玉女兮幸後
王之三思

瓜賦

唐康子玉

巫山之岡秦川之陽垂條引蔓布綠敷黃彌臬被野舍
芬吐芳轉晨風之穆穆湛宵露之瀼瀼花葉則煜煜燁

巫山縣志

卷三十二

賦集

空

燁文采則焜焜煌煌錦繡爲之失色露日爲之奪光遠
而望之粲兮爛繁星列兮曜長漢光色連延遙相煖迫
而察之颺兮綿明璣盈蚌媚重泉大鱗巨介近相連細
雨流風每飄颻兮葉上遊蜂戲蝶時歷亂於花前爾其
大則三尺二升美則金漿玉寶狸頭羊骸之字黃鵬白
搏之質感仙貴於孫鍾避世資於步隲異蒂表於前代
同心彰乎曩日旣而橫綺席會嘉賓琴尊逸賞海陸具
陳香分四座氣雜八珍旣取類於母子亦取辨於君臣
欽哉彼美流玩不已何以剖之金錯刀何以澆之玉英

水邵平固植以著業阮藉託詞而興已非但留恨於成
夫抑亦取誠於君子

煎茶賦 在巫山作

宋黃庭堅

洶洶乎如澗松之發清吹浩浩乎如春空之行白雲賓
主欲眠而同味水茗相投而不渾苦口利病解膠滌昏
未嘗一日不放箸而策茗椀之勳者也余嘗爲嗣直瀾
茗因錄其滌煩破睡之功爲之甲乙建溪如割雙井如
霆日鑄如粵其餘苦則辛整甘則底滯嘔酸寒胃令人
失睡亦未足與議或曰無甚高論敢問其次涪翁曰味

巫山縣志

卷三十二

賦集

空

江之羅山嚴道之蒙頂黔陽之都濡高株瀘川之納溪
梅嶺夷陵之壓輒臨邛之火井不得已而去於三則六
者亦可以酌兔褐之甌論魚眼之鼎者也或者又曰寒
中瘠氣莫甚於茶或濟之鹽勾賊破家滑竅走水又况
雞蘇之與胡麻涪翁於是酌岐雷之醪醴參伊聖之湯
液斲附子如博投以熬葛仙翁之聖去藪而用鹽去橘
而用薑不奪茗味而佐以草石之良所以固太蒼而堅
作強於是有胡桃松實菴摩鴨脚勃賀蘼蕪水蘇甘菊
既加臭味亦厚賓客前四後四各用其一少則美多則

惡揮其精神又益於咀嚼蓋大匠無可棄之材太平非一士之略厥初貪味雋永速化湯餅乃至中夜不眠耿耿既作溫劑殊可屢飲如以六經濟三尺法雖有治除與人安樂賓至則煎去則就榻不遊軒后之華胥則化莊周之蝴蝶

陽臺高唐解

周憲斌

周楚以前陽臺高唐傳記無稽迨宋玉賦夢名始傳焉而巫之有陽臺高唐斷自此始唐李貽孫督夔州記云東行得縣曰巫山高唐陽臺之觀形勝在焉故後世言

巫山縣志

卷三十二

藝文

奎

陽臺高唐者必繫巫山蓋以巫山實有其地也雖宋范成大過巫峽謂陽臺高唐亦未必是神女之事不過因宋玉託夢寓言而疑之未嘗言不在巫山耳夫宋玉本爲屈子含冤藉此諷諫故縱言及之無識者乃目爲邪嫚之詞此前代名流辨之詳也余不復贅惟察郡志陽臺在城內北隅舊志又言在城西里許高山之上據此則陽臺統西北而混稱矣又圖經謂此山並出青雲其上有神女廟陽雲臺則陽臺又在巫峽而屬於東矣然而陽臺之稱始於宋玉論陽臺者當以宋賦爲準觀宋

賦高邱之咀陽臺之下則知城北之陽臺山名耳高邱之陽臺臺名耳後人見山與臺接因卽臺以號山是城北之山以高邱之陽臺名之也不然高邱山何以不名陽臺耶且巫峽之陽臺皆後世立廟者從而築之因而名之雖圖經有此說不必泥也蓋陽臺故址無存未由稽考惟據宋賦知此臺當在高邱山上古高唐觀後而城北之陽臺山實非陽臺也明甚夫高邱山上有陽臺山半又有高唐由來舊矣然郡志引子虛賦孟康注夢中高唐之臺謂高唐實在雲夢不在巫山此說非也巫

巫山縣志

卷三十二

藝文

奇

山川

山舊隸荆楚入蜀記言遊楚故離宮有一池亦當時宮中燕遊之地故宋玉言楚先王遊高唐晝寢成夢是遊高唐而入於夢中彼乃誤會孟康注而指爲雲夢之高唐也况宋玉高唐賦明明言惟高唐之大體巫山赫其無儔及狀若砥柱在巫山下數語以是知高唐確在巫山無疑也而必以左傳棄諸夢中穿鑿言之謂爲雲夢之高唐焉夫豈其然考王士正詩話筮篔山麓有神女廟其西卽高唐觀此又高唐在巫山之明證也陽臺在西高唐在巫自古已然又烏得以宋玉說夢而疑之哉

巫山縣志卷三十二

巫山高

齊

房義

南國多奇山荆巫獨靈異雲雨麗以佳陽臺重怨思勿
言在可得特美君王意高唐一斷魂光陰不可遲

巫山高

齊

王融

想像巫山高薄暮陽臺曲煙霞乍舒卷蘅芳自斷續彼
美如可期寤言紛在矚憮然坐相思秋風下庭綠

巫山高

梁

元帝

巫山高不窮迴出荆門中灘聲下濺石猿鳴上逐風樹

巫山縣志

卷三十二

詩彙

一 川上

雜山如畫林暗澗疑空無因謝神女一為出房櫳

巫山高

梁

王泰

迢遞巫山好遠天新霽時樹交涼去遠草合影開遲谷
深流響咽峽近猿聲悲只言雲雨狀自有神仙期

巫山高

梁

劉繪

高唐與巫山參差鬱相望灼爍在雲間氛氲出雲上散
雨收夕臺行雲卷晨帳出沒不易期嬋娟似惆悵

巫山高

梁

范雲

巫山高不極白日隱光輝靄靄朝雲去溟溟暮雨歸崖

懸獸無跡林暗鳥疑飛枕席竟空薦相望日依依

巫山高

梁費昶

巫山光欲晚陽臺色依依彼美巖之曲甯知心是非朝

雲觸石起暮雨潤羅衣願解千金佩請逐大王歸

巫山高

陳蕭詮

巫山映巫峽高高殊未窮猿聲不辨處雨色詎分空懸

崖下桂影深澗響松風別有仙雲起時向楚王宮

巫山高

陳後主

巫山巫峽深峭壁聳春林風巖朝藥落霧嶺晚猿吟雲

巫山縣志

卷三十二

詩集

二

川八文

來共薦枕雨過非感琴仙姬將夜月度影自浮沈

巫山高

唐陸敬

巫岫鬱岌堯高高入紫霄白雲閒抱石元猿迴挂條懸

崖激巨浪脆葉隕驚飈別有陽臺處風雨共飄飄

巫山高

唐李元操

荆門對巫峽雲夢邇陽臺燎火如奔電墜石似驚雷天

寒秋水急風靜夜猿哀枕席無由薦朝雲徒去來

巫山高

唐鄭世翼

巫山臨太清岌嶷類削成霏霏暮雨合靄靄朝雲生危

峯入鳥道深谷寫猿聲別有幽棲客淹留攀桂情

巫山高

唐 盧照鄰

巫山望不極望望下朝氛莫辨嘒猿樹徒看神女雲驚
濤亂水脈驟雨暗岑文霑裳卽此地况復遠思君

巫山高

唐 閻立本

君不見巫山高高半天起絕壁千層畫相似君不見巫
山磕匝翠屏開湘江碧水繞山來綠樹春嬌明月峽紅
花朝覆白雲臺臺上朝雲無定所此中窈窕神仙女仙
女盈盈仙骨飛清谷出沒無光輝欲暮高唐行雨送今

巫山縣志

卷三十二

詩集

三

宵定入荆王夢荆王夢裏愛穠華枕席初開紅帳遮可
憐欲曉嘒猿處說到巫山是妾家

巫山高

唐 喬和之

巫山十二峯參差互隱見潯陽幾千里周覽忽已遍想
像神女姿摘芳共珍薦楚雲何透迤紅樹日蒸蒨楚雲
沒湘源紅樹斷荆門郢路不可見况復夜聞猿

巫山高 二首

唐 沈佺期

巫山高不極合沓狀奇新暗谷疑風雨陰崖若鬼神月
明三峽曉潮滿九江春爲問陽臺客應知入夢人

其二

巫山峯十二合沓隱昭回俯瞰琵琶峽平看雲雨臺古
槎天外倚瀑水日邊來何忽嘒猿夜君王枕席開

巫山高

唐王無競

神女向高唐巫山下夕陽徘徊作行雨婉變逐荆王電
影江前落雷聲峽外長霽雲無處所臺館曉蒼蒼

巫山高

唐皇甫冉

巫峽見巴東迢迢出半空雲藏神女館雨到楚王宮朝
暮泉聲落寒暄樹色同清猿不可聽偏在九秋中

巫山縣志

卷三十二

詩集

四

巫山高

唐李端

巫山十二峯皆在碧虛中回合雲藏日霏微雨帶風猿
聲寒過澗樹色暮連空愁向高唐去清秋見楚宮

巫山懷古

唐劉希夷

巫山幽隱地神女豔陽年襄王何容色落日望悠然歸
來高唐夜金缸燄青煙頽想臥瑤席夢魂何翩翩搖落
殊未已榮華倏徂遷愁思瀟湘浦悲涼雲夢田猿嘒秋
風夜鴈飛明月天巴歌不可聽聽此淚潺湲

巫山高

唐張九齡

巫山與天近煙景常清煖此中楚王夢夢得神女靈神
女去已久白雲空冥冥惟有巴猿嘯哀音不可聽

宿巫山

唐李 白

昨夜巫山下猿聲夢裏長桃花飛綠水三月下瞿塘雨
色風吹去南行拂楚王高邱懷宋玉訪古一霑裳

登巫山最高峯

唐李 白

江行幾千里海月十五圓始經瞿唐峽遂步巫山顛巫
山高不窮巴國盡所歷日邊攀垂蘿霞外倚窮石飛步
凌煙頂極目無纖煙卻願失舟壑仰觀臨青天青天若

巫山縣志

卷三十二

詩彙

五

可捫銀漢去安在空雲知蒼梧記水辨瀛海周遊孤光
晚歷覽幽意多積雪照空谷悲風鳴森柯歸途行欲曠
佳氣尙未歇江寒早曉猿松暝已吐月月色何悠悠清
猿響啾啾辭山不忍聽揮策還孤舟

觀元丹邱坐巫山屏風

唐李 白

昔遊三峽見巫山見畫巫山宛相似疑是天邊十二峯
飛入君家綵屏裏寒松蕭颯如有聲陽臺微茫如有情
錦衾瑤席何寂寂楚王神女何盈盈盈盈咫尺如千里
翠屏丹崖粲如綺蒼蒼遠樹圍荆門歷歷行舟泛巴水

水石潺湲萬壑分煙光草色俱氤氛溪花笑日何年發
江客聽猿幾歲聞使人對此心緬邈疑入嵩邱夢綵雲
巫山高
唐 唐 求
細腰宮盡舊城摧神女歸山更不來惟有楚江斜日裏
至今猶自上陽臺

巫山高

唐 李 沈

沒天心高地脈浮動凌霄拂藍碧襄王端目望不及似
觀瑤姬長歎息巫粧不治獨栖望暗泣紅蕉抱雲帳君
王妬妾夢荆宮虛把金泥印仙掌江濤迅急如相助十

巫山縣志

卷三十二

詩彙

六

二猶龍怒行雨崑崙漫有通天路九峯正在天低處

望巫山

唐 張 喬

溪疊雲深轉谷遲暝投孤店草蟲悲愁聯遠水波濤夜
夢斷巫山雨電時邊海故園荒後賣入關元鬢夜來衰
東歸未必勝羈旅况是東歸未有期

巫山高

唐 李 賀

巫山叢碧高插天巴江翻浪神曳煙楚魂尋夢風颺然
曉風飛雨生苔錢瑤姬一去一千年丁香筇節噉老猿
古詞近月蟾宮寒椒花墜紅溼雲間

巫山高

唐陳陶

玉峯翠聳十二枝金母和雲賜瑤姬花宮磊砢楚宮列
仙客入面星斗垂秀色無雙怨三峽春風幾夢襄王獵
青鸞不在嬾吹簫斑竹題詩寄江妾飄飄散絲巴子天
苔裳玉轡紅霞幡歸時白帝掩青瑣瓊枝草草迷湘煙

巫山高

唐羅隱

下壓重泉上千仞香雲結夢西風緊縱有精靈得往來
猊輓颺軒亦顛隕嵐光巉巉雷隱隱愁爲衣裳恨爲鬢
暮灑朝行何所之江邊日月情無盡珠零冷露丹墮楓

巫山縣志

卷三十二

詩集

七

川百

細腰長臉愁滿宮人生對面猶異同况在千巖萬壑中

巫山旅別

唐崔塗

五千里外三年客十二峯前一望秋無限荆魂招不得
夕陽西下水東流

巫山高

唐劉方平

楚國巫山秀清猿日夜嘯萬重春樹合十二碧峰齊峽
出朝雲下江來暮雨西陽臺歸路直不長舊家迷

巫山高

唐于漬

何山無朝雲彼雲亦悠揚何山無暮雨彼雨亦蒼茫宋

玉侍才者憑虛構高唐自垂文賦名荒淫歸楚襄峩峩
十二峯永作妖鬼鄉

巫山高

唐孟郊

巴江上峽重復重陽臺碧峭十二峯荆王獵時逢暮雨
夜臥高邱夢神女輕紅流煙溼豔恣行雲飛去明星稀
目極魂斷望不見猿嘯三聲淚滴衣

巫山高

唐孟郊

見盡數萬里不聞三聲猿但飛蕭蕭雨中有亭亭魂千
載楚襄恨遺文宋玉言至今晴明天雲結深閨門

巫山縣志

卷三十二

詩彙

八

巫山高

唐戴叔倫

巫山峩峩高插天危峯十二凌紫煙瞿唐嘈嘈急如絃
洄流遡逆將覆船雲梯豈可進百丈那能牽陸行巉巖
水不前洒淚向流水淚歸東海邊含愁對明月明月空
自圓故鄉回首思緜緜側身天地心茫然

巫山高

唐張子容

巫嶺峩峩天際重佳期夙昔願相從朝雲暮雨連天暗
神女知來第幾峯

巫山高

唐崔仲方

荆門秋水急巫峽斷雲輕若爲叫月夜長短聽猿聲

巫山高

宋 王安石

巫山高偃薄江水之滔滔水於天下實至險山亦起伏
爲波濤其顛冥冥不可見崖岸斗絕悲猿狖赤楓青櫟
生滿谷山鬼白日樵人遭竊窅陽臺彼神女朝朝暮暮
能雲雨以雲爲衣月爲褚乘光服暗無留阻崑崙層城
道可取方丈蓬萊多伴侶塊獨守此嗟何求况乃低徊
夢中語

巫山高

宋 司馬光

巫山縣志

卷三十二

詩集

九

巫山高巫山之高高不極寒江西來曳練長羣峯森羅
十二戟青狄悲號裂翠崖老蛟怒鬪摧丹壁輕生重利
三巴客一葉直衝高浪白船頭吟嘯坐自如仰視青天
不盈尺叢祠象設儼山椒巫祝紛紛非一朝云是高唐
神女之所處至今暮雨常瀟瀟我聞神理明且直興亡
唯觀惡與德安肯來從楚國君憑依夢寐爲淫昏襄王
之心自荒惑引領日望陽臺雲獨不思懷王西行不復
返甲光照地屯秦軍蠶食黔中下荆門陵園宗廟皆燒
焚社稷飄零不復存嗟嗟若敖蚡冒篳路藍縷空辛勤

巫山高

宋蘇軾

瞿唐迤邐盡巫峽崢嶸起連峯稍可怪石色變蒼翠天
工運神巧漸欲作奇偉塊軋勢方深結構意未遂旁觀
不暇瞬步步造幽邃蒼崖忽相逼絕壁凜可悸仰觀八
九頂俊爽凌顛氣晃蕩天宇高崩騰江水沸孤超兀不
讓直拔勇無畏攀援見神宇憩坐就石位巉巖隔江波
一一問廟吏遙觀神女石綽約誠有以俯首見斜鬟拖
霞弄修帔人心隨物變遠覺合深意野老笑吾旁少年
嘗屢至去隨猿猱上反以繩索試石筍倚孤峯笑兀殊

巫山縣志

卷三十二

詩集

十

不類世人喜神怪論說驚幼穉楚賦亦虛傳神仙安有
是次問埽壇竹云此今尙爾翠葉紛下垂婆婆綠鳳尾
風來自偃仰若爲神物使絕頂有三碑詰曲古篆字老
人那解讀偶見不能記窮探到峯背採斫黃揚子黃揚
生石上堅瘦紋如綺貪心去不顧澗谷千尋縋山高虎
狼絕深入坦無忌洪濛草樹密葱蒨雲霞膩石竇有紅
泉甘滑如流髓終朝自盥漱冷冽清心胃浣衣挂樹梢
磨斧就石鼻徘徊雲日晚歸意念城市不到今十年衰
老筋力備當時發殘木牙齦已如背忽聞老人說終日

爲歎喟神仙固有之難在忘勢利貧賤爾何愛棄去如
脫屣嗟爾若無還絕糧應不死

巫山

宋 鄒登龍

巫山從龍巫峽曲一十二峯淺凝綠老猿化石懸巔崖
轟轟凌雲埽壇竹九靈少女列仙從佩玉鳴鸞乘彩鳳
飛魂走魄歸瑤宮紫簫吹斷楚王夢

巫山高

宋 范成大

溼雲不收煙雨霏峽船作灘梢厖磯杜鵑無聲猿叫斷
惟有飢鴉迎客飛西真功高佐禹迹斧鑿鱗皴倚天壁

巫山縣志

卷三十二

詩彙

七

上有瑤簪十二尖下有黃湍三百尺蔓花虬木風煙昏
蘚佩翠帷香火寒靈旂飄忽定河許時有行人開厖門
楚客詞章元章諷紛紛餘子空嘲弄玉色頰顏不可干
人間錯說高唐夢

後巫山高

宋 范成大

凝真宮前十二峯兩峯娟妙翠插空餘峯競秀尙多有
白壁蒼崖無數重秋江漱石半山腹倚天削鐵荒行蹤
造化鍾奇轟瑤巘真靈擇勝深珠宮朝雲未罷暮雲起
陰晴竟日長溟濛瑤姬作意送歸客一夜收潦仍回風

仰看館御飛檝過回首已在虛無中惟餘烏鴉作使者
迎船送船西復東

巫山

元曾慥

巫山不可見翠岫幾重重雲外藏三島江頭認九峯淡
煙迷曙色疎雨浥秋容日斷凝真路松風傳暮鐘

巫山高

明劉基

巫山高哉鬱崔嵬下有江漢浮天回深林日月照不到
洞谷闐闐生風雷危峯半出赤道中落日猿狖鳴聲哀
虎牙赤甲鬪雄壯風氣以之而隔閼楚王遺跡安在哉

巫山縣志

卷三十二

詩彙

三

但見麋鹿跳蒿萊當時忠臣放澤畔乃與斬尙相徘徊
山中妖狐老不死化作婦女蓮花腮潛形譎迹託夢寐
變幻涕淚成瓊瑰神靈震怒不可禱雲霧慘淡昏陽臺
猛風吹雨洗不盡假手秦炬歆飛灰精誠感應各以類
世間妖孽匪自來君不見商王夢中得良弼傅巖之美
今安匹巫山何事近楚宮終古怨恨流無窮

巫山天下奇

明周洪謨

靈鰲一動海水翻三山飄流無定根岱輿忽失十二峯
萬流飛墮夔之門仰挹銀漢洗青黛俯瞰長江似衣帶

地森玉笋青雲端天開罨畫彩虹外三閭神女栖陽臺
芙蓉爲貌玉爲腮如何朝暮弄雲雨卻使懷襄相繼來
無乃宋玉善壘惑託爲怪誕荒淫說只今高崖紫蔓間
惟有猿聲哀不絕

巫山高

明何景明

自昔偏安地於今息戰侵江穿巫峽隘山鑿鬼門深濁
浪魚龍黑寒天日月陰夜猿嗥不盡淒斷故鄉心

巫山道中

四首

明黃輝

狂雲也自樂朝朝老雪封春未肯消鴈嘴啄成三角路

巫山縣志

卷三十二

詩集

三

虎牙銜出半邊橋

未曾五里已三溪幾許寒崖掛斷霓亂石壘成春雪確
斷橋橫作上天梯

懸梯東折復西還雙蹬斜開碧玉關不雨不晴天睡著
冷雲橫出夢中山

星星冷炬拂雲堆夜踏偏橋半欲摧人隊似猿穿嶺去
犬聲如豹透林來

巫山高

國朝傅作楫

奇峯高十二一葉下巴東冷碧出雲上翠靄落鏡中江

聲疎密雨樹色往來風峽路蒼茫裏寒猿聽不窮

巫山高

朝徐緘

巫山何窈窕萬仞絕氛埃疊嶂雲無盡傾崖雨易來夢
留千古憶賦竭一生才朝暮情何恨猿啼共此哀

巫山高

國朝張實居

巫山高不可步湘水深不可渡水有洶湧澎湃之波山
有屈曲崎嶇之路我欲攀援狼虎來我欲徒涉蛟龍怒
相思不相見沾裳淚如雨巫山高自高湘水深空自
深舟車非所願但願人一心

巫山縣志

卷三十二

詩集

古

巫山高

國朝李調元

巫山高高入雲雲中十二峯五色何氤氳琪花玉樹紛
難詳遙見碧城開天閭黃金爲門白玉牆中有雲鬢日
月璫含情弄態如相望亦猶藐姑射山旁飄飄似仙雲
中翔陽臺何山無斜陽爲雲爲雨山之常底事誣山誣
襄王

巫山

國朝許光樹

巫山千萬峯峯峯各爭長爭長不相下都作轟空想太
空信無碍任爾互標榜一片碧玲瓏依然仰面仰看似

不盈尺捫究不計丈汝曹縱支撐莫成凶頑象山半有
罡風鳥飛不能上山側無佳果猿嘯安能養童童竟何
爲落落真堪賞激水翻怒濤白日雷霆響恐駭過來人
欲前不敢往我欲訴真寄揮霍散其黨觸以共工頭擘
以巨靈掌撼以祖龍鞭排以夸父杖要馴桀鷲氣勿令
再麤擴西陵七百里忽地見清朗獨留神女峯亭亭立
天壤鳴佩朝白帝金碧爛儀仗雲散萬景呈雨收百靈
享好看江上船從容打蘭橈

巫山感懷

國朝 劉節

巫山縣志

卷三十二

詩集

圭

秋風孤舫出鄉關未忍君恩特詔還十二巫峯皆動色
八千雲跡亦開顏喜於勝地留題刻攜彼高人共飲攀
雞唱喚回連夜夢乾坤便不放人間

巫山感懷

國朝 邱道隆

黃泥隨步下雲霄楚蜀分封只小橋火種刀耕懸畫軸
石崖草蓋寄鷓鴣七年飢色真成菜三月天河未借瓢
攬轡西來孤劍冷 昇平何以答清朝

巫山十二峯舟中可見者九予陸行并經其三有作

國朝 周厚轅

九峯娟好舊評論我并三峯背面吞綫轉白雲峯在下
溜穿紅樹雨初昏遊人寂寞空今古詞客荒唐似妙言
莫漫腰肢誇楚舞面斑猶有灼餘痕

曉發巫山望十二峯

國朝陶澍

神女廟前朝扣舷高唐觀上綠浮煙七千遠道歲將暮
十二好峯秋更妍爲雨爲雲殊窈窕聽風聽水奈纏綿
巴東兩岸猿聲合何處相思不可憐

巫山十二峯

古風二十五韻

宋袁說友

巫山縣志

卷三十二

詩集

六

川百人

平生磊塊山林姿一邱一壑貪成癡寸峯拳石瞥眼過
張皇攫覓惟憂遲東南佳山多秀麗就中所見雄與奇
飽聞巫山冠巴峽奇峯十二相參差昔年畫圖嘗一見
欲見此山無路之扁舟西泝上三峽千巖萬壑爭追隨
終朝接應已不暇心目洞駭俱忘疲驀然征鼓高唐上
峯巒二六排旌旗一峯霞采爛在望一峯展翠開屏帷
無心出岫雲吐色偃蓋平巒松並枝仙蹤鶴駕羽衣近
壇石瑤臺閭闔低白雲一起鳳凰下清泉四合蛟龍嬉
羣峯角立變異態一大巧乾坤爲外壘擊拊試六律

中含造化分四海天下名山亦多矣未有列岫奇如茲
九華一景固天巧惜與江流相背馳南北兩峯喧眾口
粧抹卻恨同西施何如此峯無限好行行列列橫江湄
煙雲漠漠出寸碧風雨時時勻黛眉舟人漁子謾回首
騷士墨客勞支頤我來穿水入天去貂裘章甫生塵緇
昂頭見此大奇特躋攀不上空嗟嘻吾將欲訪三島登
九疑上蓬萊道山之壁絕泰華終南之巖飛鳧去鳥嘯
滄海卻來巫峽温前詩

次十二峯韻

宋錢鏐

巫山縣志

卷三十二

詩彙

七

川上

文昌仙伯天人姿愛山尋勝如書癡忽摩臺符歷參井
麾幢沂峽春遲遲山靈川后總效職萬壑千巖俱獻奇
就中巫山絕雄勝插天紫翠相參差神妃來下佩聲遠
駐此名地相安之峯旋地轉自前後屹立萬馬如追隨
兩山有川幻天巧禹功到此神應疲仰天照眼如匹練
舟行電掣翻雲旗迅帆競惜峯巒過舳艫望眼裳褰帷
懸崖下有欲落石古木上有參天枝龍登鶴聚仙旣集
雲昇雨暗天如低從來三峽號至險高牙穩泛如遊嬉
揚旌一覽天下勝詞源倒峽知優爲嘗聞奇觀天亦惜

遇賢輒與因其時少陵寓此雖窮寂妙語驚人多在茲
彫鑿萬象發天闕衙官屈宋聲爭馳公今曳履星辰上
調元妙手行將施天教來作東道主歡聲和氣生江湄
公來頓覺雪山重青城增氣聯峩眉首驅巫陽入新句
一洗前作堪解頤英詞從此遍蜀道迴出塵表無纖縞
常憂此地難久駐轉首絕境成嗟嘻直欲使拂素練圖
翠疑寫松巒起雲之狀摸翠屏栖鳳之峭終朝誦公有
聲畫卻來看此無聲詩

次韻

宋
毋邱恪

巫山縣志

卷三十二

詩集

六

縑素巧貌谿山姿寶藏肯笑虎頭癡何人夜半賒篋去
信爲羽化無疑遲魏明不惜萬夫力鑿山累土誇神奇
景陽突起芳林苑穀城文石光參差葉公好龍廣射虎
大方安能不笑之至人於物特寓目遠象過眼心弗隨
我公看山正如此肯趁兒童腳力疲胸中五嶽鎮地軸
眼底三辰昭旂旗擢由漢庭寵分鉞來撫蜀土初褰帷
巫山一覽窺妙處寫入長歌賡竹枝坐令十二峯增重
已覺氣壓豈華低太室少室敢輩行小孤大孤何兒嬉
岱宗日觀峻徒爾崑崙天柱高安爲出雲作雨均有是

泥金鏤玉彼一時所謂造化一尤物不在九華真在茲
中山前言恐遂廢公之妙論已四馳半語猶存大公正
蟠胸經濟看設施要令利濟均四海無間山崖與水湄
只今蒼生方屬望休戚在公顰伸眉願公更爲天下重
所養自養觀諸頤量陂誰復能激撓德表居然無磷緇
巖石巍巍具瞻在孰不歎仰聲噫嘻又何必東望瀛南
望疑北有天後之峻嶺西有雲表之峩眉與公高名並
不朽配以今日巫山詩

次韻

宋黃人傑

巫山縣志

卷三十二

詩集

九

文昌老仙絕俗姿愛山成癖非兒癡胸中况自有邱壑
攬結瑰異常恐遲坤維謀略出分閩江山致助爭出奇
尋幽選勝上巫峽斷崖怪石懸參差十二峯前弭征楫
杖藜直上窮所之雲煙變態十萬狀過眼神動驚天隨
人疑躋攀腳力盡公自樂此良不疲瑤華真妃似夙駕
風馬晝下揚旛旗層巒好處起蒼壁丹霞望門開赤帷
登壇定可拾瑤翠卻老未應無玉枝仰天一笑睨寥廓
俯視培塿邱陵低頗疑游龍出飛曜恍若栖鳳猶娛嬉
喬松跨鶴遠近集雲雨濟人朝暮爲壇維野翠有餘潤

泉拖修帛無窮時一徑盼睽便改觀陽臺價重當由茲
惜哉牙纛不久住鷓首未轉樞烏馳輕縑素練欲摹寫
畫師難著五采施筆端機杼始潛運悠然寄興滄洲湄
章成密簡繡衣使繡衣翰墨今白眉珠酬玉唱兩相向
三歎盡解騷人頤好刊蒼珉示千古磨而不磷涅不緇
紛紛我輩小巫耳健讀數過徒噫嘻待從兩公奠西極
安南疑收關河百二之險剽岷峨萬仞之眉大書有宋
中興頌東還更和巫山詩

次韻

宋許及之

巫山縣志

卷三十二

詩集

三

巖壑豈是鐘鼎姿出處相較黠與癡我家淞東山水窟
閒窺壺中日月遲坎蛙固守井底見雁蕩斷云天下奇
坐想天柱高突兀便覺窮障排參差歸胡不歸歸未得
吾非故吾吾何之南宦祝融常在眼北征大行長相隨
每欲拓關令混一其奈意廣憐庸疲故人將指填巴蜀
大江揚舫張紅旗紀行先要實古錦及境始事褰赤帷
陽侯似知公得句吳榜婁舞下折枝有客傳誦巫山高
長安那復紙價低襄王胡爲愛文賦宋玉大似供戲嬉
山川本以靈雨祀神明胡乃褻瀆爲牽牛織女謗自古

小姑彭郎訛一時剩喜新篇有如此洗空遺恨從今茲
蜀道誰云在天上政譽已逐詩聲馳世情嚮背南北阮
人物妍醜東西施願君滄溟恢宇量聽彼駢儷一作居
井湄已爲下戶代輸額更要全蜀俱伸眉西都父老久
延頸關外士卒寬張頤訪尋恐有元尙白流落甯無素
染緇規撫所至欣濟濟民俗定自臻嘻嘻政成得政公
何疑無人風月鑄峩眉歸來要獻浯溪頌吾上中和宣
布詩

巫山十二峯

國朝

王士正

巫山縣志

卷三十二

詩彙

三

十二峯娟妙輕舟往是非青天半風雨夕日亂煙霏瀑
水臨江合神鴉出洞飛朝雲無處所應待楚王歸

十二峯

國朝

李芝

長江萬里走峩岷連山抗手爭嶙峴玉壘岷峩洩未盡
巫山十二會羣真森森筍立幾千丈縱有仙梯無可上
雲雨彷彿難爲容各自雄長不相讓一峯卓然無可同
迴光倒射馮夷宮有如端拱坐清殿羣侯奔走朝西東
一峯嫵妙如欲語疑是天階降神女靈風恍惚踏波來
何處瀟湘去行雨左右數峯益奇絕壁立嵌空淬寒鐵

陰壑長留太古雲陽巖尚貯千年雪其餘可象無端倪
波光日氣浮玻璃帆檣賈客頻來往何殊甕底坐醯鷄
我欲騎龍到滄海瓊樓十二紛杳藹誰爲此地鑿瓏玲
無人直上叩眞宰天風瑟瑟水茫茫蘭臺何處弔襄王
長空飛鳥不可以徑度望帝一去天滄涼如此江山逢
亦偶更欲乘風摘星斗推蓬時酬郢筒酒峽濤寒聽蛟
龍吼

十二峯

失名

翠屏百丈起雲煙遠望霞光照聖泉聚鶴漫誇千載盛

巫山縣志

卷三十二

詩彙

三

登龍疑到九重天朝雲有雨還飛鳳淨壇無路可集仙
試問松巒樵子徑上昇風月數峯環

巫山十二峯

調巫山一段雲

元

趙孟頫

望霞峯

碧水鴛鴦浴平沙荳蔻紅望霞峯翠一重重帆卸落花
風澹薄雲籠月霏微雨灑逢孤舟晚泊浪聲中無處

問音容

朝雲峯

絕頂朝雲散寒江暮雨頻楚王宮殿已成塵過客轉傷

神 月是巫娥伴花爲宋玉鄰一聽歌調一含嘔哀怨
竹枝春

松巒峯

松壑堆嵐靄陽臺枕水湄風清月冷好花時惆悵阻佳
期 別夢遊蝴蝶離歌怨竹枝悠悠往事不勝悲春恨
入雙眉

集仙峯

雨過蘋汀遠雲深水國遙渡頭齊舉木蘭橈纖細楚宮
腰 映水勻紅臉偎花整翠翹行人倚棹正無聊一望

巫山縣志

卷三十二

詩集

三

一魂消

登龍峯

片月生危岫殘霞拂翠桐登龍峯下楚王宮千古感遺
蹤 柳色眉邊綠花明臉上紅欲尋靈跡阻江風離思
杳無窮

聖泉峯

曉色飄紅豆平沙枕碧流泉聲雲影弄新秋觸處是離
愁 臉淚橫波澹眉攢片月收佳人無笑準難休半整
玉搔頭

飛鳳峯

芍藥虛投贈丁香漫結愁鳳樓鸞去雨悠悠新恨怯逢秋
山色驚心碧江聲入夢流何時絃管簇歸舟蘭棹
泊沙頭

翠屏峯

碧水激青黛危峯聳翠屏竹枝哀怨月三更別是斷腸
聲煙外黃牛峽雲邊白帝城扁舟清夜泊蘋汀倚棹
不勝情

聚鶴峯

巫山縣志

卷三十二

詩集

十四

鶴信三山遠羅裙片水深高唐春夢杳難尋惆悵至如
今十二峯前月三千里外心紅牋錦字信沈沈腸斷
舊香衾

淨壇峯

疊嶂千重碧長江一帶清瑤壇霞冷月櫳明敲枕若爲
情雲過船窗曉星移宿霧晴古今離恨撥難平惆悵
峽猿聲

起雲峯

嬈娜江邊柳飄飄嶺上雲卸恍迴棹楚江濱歸信夜來

聞 欲拂珊瑚枕先熏翡翠裙江頭含笑去迎君鸞鳳
盡成羣

上昇峯

雲裏高唐觀江邊楚客舟上昇峯月照粧樓離思兩悠悠
雲雨千里阻長江一帶秋歌聲頻唱引離愁光景
恨如流

望霞峯

明 郭 棻

瑤水蘼蕪綠滄洲菡萏紅望霞峯蔚鎖千重香散楚江
風 爲雨飄長袖行雲逐短篷霞光飛薄碧山中恍惚

巫山縣志

卷三十二

詩集

三

見芙蓉

朝雲峯

水色涵虛碧猿聲入夜頻朝雲峯闕暗流塵楚客總淒
神 月下琵琶調花前窈窕鄰瑤姬何處更含嚔寂寞
度芳春

松巒峯

鶴翩翩青嶂松風皺綠湄一聲清淚月明時把袂是星
期 舊思書花葉新愁咽竹枝高唐遺調角聲悲惆悵
斂蛾眉

集仙峯

玉佩飄聲遠銀河去路遙集仙叢裏促蘭橈
裊怯楚姬腰弄笛寒金釧移情枕翠翹
離鸞別鶴兩無聊紅臉為春消

登龍峯

綺霞生列樹碧月橫焦桐登龍巖
嶻嶭有行宮雲雨幾迷蹤巧語鶯為舌
芳姿蕊作紅一宵香襲楚王風千載思難窮

聖泉峯

巫山縣志

卷三十二

詩彙

三

峽口雲偏肅宮前水漫流聖泉風月一輪秋
照徹夢中愁

金井梧初落瑤天雨乍收憐香惜玉思難休
伫眺碧峯頭

碧峯頭

飛鳳峯

荳蔻封朝信芙蓉結暮愁紫鸞碧落影悠悠
春憾不禁秋

山月連江碧川雲帶月流清宵無語依蘭舟
雙鳥落沙頭

落沙頭

翠屏峯

綠漲三千界青蓮十二屏翠峯孤月度寒更
何處有猿

聲 雨惱襄王夢雲橫燕子城一雙鷓鴣起前汀悵望
若無情

聚鶴峯

眉掃巫山黛裙拖湘水深雲迷聚鶴阻相尋契闊到於
今 碧海年年夢青天夜夜心玉樓金箭漏初沈獨詠
惜寒衾

淨壇峯

山色連天碧江聲遶峽清彤壇夜靜七星明攬轡重含
情 漏報瑤牕曙峯涵翠黛晴哀猿唬處思難平偏到

巫山縣志

卷三十二

詩彙

七

枕邊聲

起雲峯

十二峯頭月三川峽口雲棹歌嗚咽滿江濱粧閣可能
聞 憾凝桃葉渡淚暗藕絲裙悵把瓊枝獨憶君鼓瑟
怨離羣

上昇峯

仙觀丹霞映滄波罨畫舟上昇峯頂敞層樓佳夕思悠
悠 月白清如水雲容澹似秋離多會少不勝愁別恨
付東流

巫山十二峯

十二首

宋 閻伯敏

東皇君來流曉霞莫看西北王母家雲華夫人王母女
肯為廟食留三巴

望霞

山頭行雲自朝朝陽臺暮色聯雲霄朝來暮去變雲雨
送老行客無回橈

朝雲

舟船搖搖大巫前松間絲蘿望纏綿屏風角轉恰匝背
心在山頭人倚船

松巒

綠蓑鞋緊青行纏束薪蘊火開山田雲間仰聽仙佩響
蓬鬢拂掠燒畚煙

集仙

巫山縣志

卷三十二

詩集

三

散而成章合為龍回風混合游鴻濛舟人上下神女供
俗粧鉛粉煙脂紅

登龍

雲源一派瑤池分洒落掉石隨東奔楚人但誇香溪水
西邊惟有昭君村

聖泉

山頭鳳鳴求其凰山前家家背竹筐竹花結實未忍食
刀耕火種五里香

飛鳳

秋山黃落春山青不識仙家雲錦屏六銖天衣下拂石
香風馥郁朝真亭

翠屏

望夫石女春復秋已歌楚舞隨遨遊夜深九皋清淚響

仙禽亦替離人愁 聚鶴

山頭枝枝竹埽壇舟子竹枝歌上灘炷香上廟擲杯琰

但乞如願舟平安 淨壇

釵頭嫋娜山花枝羣尾舊纈山麻衣朝隨雲起採薪去

暮趁女伴穿雲歸 起雲

黃麾白馬功告成雲華夫人朝玉京虞后夏后引音節

高低峽船搖艣聲 上昇

巫山十二峯分韻 宋 吳世延

披圖占聖謁榮華初見靈峯冠彩霞拂拭塵容開眼膜

巫山縣志

卷三十二

无

舟人指點到仙家 望霞

清晨縹緲結層陰掩映真靈洞府深不是名書丹玉笈

上清宮闕若相尋 朝雲

無名草木易彫零獨立盤雲偃蓋青任是雪霜深蔽翳

也應根柢有精靈 松巒

左鄰白帝右紅崖中有瑤池阿母家笑飲蟠桃丹樹下

一杯時與醉流霞 集仙

三分泉下九淵深直上青螺碧玉林怪得雨風長庇護

有時飛作旱天霖 登龍

白崖一注瀉青雲練帶縈迴玉溜奔
醜毒晏安人不覺
誰知此物養靈根

聖泉

碧梧修竹翠微間
刷羽朝陽不可攀
寄跡雲林飛有處
會朝阿閣邇天顏

飛鳳

四合藤蘿羽葆垂
遠煙蒙覆畫屏圍
青冥向上凝神望
似叩天關第二扉

翠屏

方憐病羽困樊籠
仰見胎禽唳遠空
明月不知縹嶺夜
一聲聲入白雲中

聚鶴

巍巍盤石拔天成
拂拂修篁助潔清
一息齋宮渾不寐

巫山縣志

卷三十二

詩彙

三

九霄聞徹步虛聲

淨壇

油雲膚寸起叢霄
變化須臾雨次寥
舒卷無心神莫測
去來誰謂帝鄉遙

起雲

蓬萊方丈闊滄溟
高揖松喬此得朋
白日青天殊不遠
瑤臺玉闕一層層

上昇

巫山十二峯分韻

國朝

沈鴻達

蔚藍天際絢明霞
試上奇峯入望賒
東指方城餘爽氣
西來巴水映丹沙
高標近接陽臺幻
孤鷺遙從鳥道斜
旦晚總宜千里目
莫將返照大江誇

望霞

看山可以永今朝最愛雲峯在碧霄知與晨星分幾點
肯輸旭日占高標非煙漫說倉困似復旦何嫌紕繆遙
不羨夕陽成彩筆露濃五色半巖饒

朝雲

層巒佳木悅葱籠况復山明對雪松自欲凌寒標勁節
卻緣得地稱高蹤森森宜向峯頭望謾謾還疑嶺下逢
此去桃源應未遠何年種作老鱗容

松巒

方丈瀛洲集眾仙何來巫岫拍洪肩也知海上無多地
更覓壺中有一天控鶴乘鸞凌鳥道餐霞吸霧倚雲邊
陽臺神女雖云幻那似層城路幾千

集仙

巫山縣志

卷三十二

詩彙

三

極目層巒似臥龍就中高處彩雲從光騰恍躍平津劍
鱗老還疑偃蓋松一樹五花資參養崇朝千里任橫蹤
誰知變化飛昇後北岸依然第五峯

登龍

岷峨洙泗蜀爭傳况有巫峯出聖泉止水一泓澄道岸
飛流萬派浸書田江湖共識根源盛日月曾經沐浴旋
可是岱宗移屐齒更標孔子照東偏

聖泉

建平東望飛鳳昇不盡朝陽十二層阿閣成巢儕逸鶴
丹山振羽絕雲鵬四靈卻擅三文麗九子還將萬里騰
最是揚雄傳吐白獨鍾秀氣此先登

飛鳳

巫山四面屏無二，卻望東南欲滴翠。碧色分明雲母光，清輝掩映琉璃器。五方不藉赤黃兼，六扇依稀圖畫媚。收拾煙嵐在錦囊，金鵝夢裏增詩思。

翠屏

猿聲巫峽愁飄泊，別有高峯招野鶴。松徑蘭崖任往還，雪翎砂頂相依託。空疑子晉挾簫笙，誰道令威歌城郭。自是凌霄擅異姿，白雲一望天邊廓。

聚鶴

三清世界翠微巔，誰築仙壇不計年。自有層城瞻紫氣，更無織翳累丹田。簫笙響奏瑤臺月，錦繡文開玉宇泉。寄語江邊名利客，一峯高處好參元。

淨壇

巫山縣志

卷三十二

詩彙

三

鬢聳巫山何處起，茲峯競說封中似。須臾一片乍飛騰，倏忽千崖被朱紫。極日煙嵐欲燒空，盪胸石壁疑翻水。起雲雲復起，奇峯變幻無端從此始。

起雲

何處飛來最上乘，峽中南望一峯騰。雲開恍覩垂天翼，煙點誰施繫日繩。試負江邊疑易舉，將移谷口卻無憑。新詩忽引家山興，欲步蘭亭屐齒昇。

上昇

巫山十二峯分韻

國朝

徐朝綱

邑都司

乾坤何處不煙霞，爲愛峯高望莫遮。滿日晴光佳氣遠，一川圖畫夕陽斜。遙連楚岫飛孤鷺，近接瞿塘翻亂鴉。

信有文章成五色麗天分卻赤城賒

望霞

萬仞岩堯聳碧霄白雲旦起景偏饒峯頭迴合迎曦日
天際參差逐曉颯如草如困渾比類爲霖爲雨不崇朝
孤高自是託遊處莫誣陽臺返翠輶

朝雲

節彼層巒翠萬重何年蟠結幾株松蒼煙日午高衝雁
老幹春深欲化龍嘯雨半空聲謾謾吟風長峽韻淙淙
歲寒勁節歷千古不羨桃源挹露濃

松巒

維石巖巖降列仙置身高近五雲邊不於蓬萊消靈蛻
來共巫峯證舊綠飛鳥草間飄玉鳥浣沙溪畔洗朱鉛

巫山縣志

卷三十二

詩集

三

三千年去春常在回首滄桑幾變遷

集仙

青峯隱隱勢猶龍靈氣偏於此地鍾若向滄溟舒變態
直從雲漢振騰鋒建江霞豔錦鱗映石壁煙開紫電衝
待用爲霖纔一躍禹門猶未見行蹤

登龍

奇峯崛起萬山巔混混飛流號聖泉知與洙源分一派
發從巫嶼毓多賢卽今童子能拈筆幾合高人歎逝川
我有詩癖塵欲濯挹來調玉得思鮮

聖泉

天上靈禽下翠微暫停六翮刷丹衣九苞日暖峯頭煥
五色春深峽口輝棲迹無心儕鶴去朝陽有意共鸞飛

芙蓉十二朝翔遍一舉行看昭聖機飛鳳

亂山高聳嵒峒出環列如屏饒雅致疊嶂迴籠霽色新

叢林掩映嵐光媚春回靄靄雜綺羅雨後蒼蒼呈翡翠

我欲開窗放入簾持杯領取煙霞意翠屏

華表峯高雲水廓年年巖樹常棲鶴衝煙來去自清閑

背月翩翩真灑落上界聞天下界應南枝警露北枝作

幾回絕頂起簫聲如向緱山踐夙約聚鶴

誰開秘醮乞還丹覓得浮邱築玉壇一自功名昇碧落

幾經花發遍瓊闌露濃常護朝元石日麗猶翔聽法鸞

巫山縣志

卷三十二

詩集

三

三八

聞說月明風靜夜步虛聲下五雲端淨壇

不識巫雲何處起今知卻是茲峯始罅堆冉冉淨中生

嶽似層層空際累貼破清光萬里天泛開長峽千重水

無窮變幻一卷間宇宙奇觀無過此起雲

超出煙霞第一層壺中端的孰先登神山陸地誇方丈

靈境峽中羨武陵遐舉似憑青霧擁飛移疑駕彩虹騰

廣寒如果通仙島願厯雲巖著屐昇上昇

十二峯分韻

國朝 曾朝柱 訓導

殿溢朱霞記瑞年金光突掣翠微顛望來不覺詩情動

义手山頭欲問天

望霞

旭日曈曈霽色華
山光雲影突交加
只疑神女寃難白
氣鬱陽臺吐曉霞

朝雲

一自秦封軼眾材
龍鬚虬角蔭層鬼
濤聲夜半隨風吼
疑是巴江湧水來

松巒

高會羣仙序禁儀
蓬瀛境上復何疑
倘教月下排雲出
彩耀芙蓉別有姿

集仙

夙願登瀛恨莫從
今朝何幸得登能
蜿蜒曲挽三巴水
鎖鑰夔巫第一重

登龍

巫山縣志

卷三十二

詩彙

三

川

不飲貪泉飲聖泉
人情同好總無偏
出山更覺清而冽
分潤猶能及稻田

聖泉

世際昌明聖瑞期
飛來一鳳少人知
巫山合與岐山比
于彼高岡振羽儀

飛鳳

山光如鏡淨於揩
翡翠屏開照水涯
更有諸峯皆入畫
兒孫羅列四圍排

翠屏

軒郎丹骨逐鷗鳧
羣聚高峯立不孤
自去自來誰是主
居然有信叶中孚

聚鶴

天教法雨洗塵埃
為淨吟壇待客來
料得春風秋月夕

眾仙同詠掃蒼苔

淨壇

漫云祈禱補天功
瞻望雲霓處處同
觸石突從天半出
油然草莽起長空

起雲

雲梯步步快躋攀
一覽橫空小眾山
昇到九重高極處
分明天上說人間

上昇

巫山八景

南陵春曉

國朝

陳益襄

巫山訓導

當年秋興老詩人
此日南陵值曉春
巫峽雲開峯掩映
高唐雨過霧停勻
鳥從嘯處驚花發
柳到垂時耐雪新

巫山縣志

卷三十二

詩彙

三

踏磧名流知共在
我來有幸接芳鄰

秀峯禪刹

勝蹟由來說秀峯
今存遺趾認何從
數株古柏盤溪岸
一片頽垣隱砌蛩
養性已難逢寶閣
悟空猶訝聽疏鐘
盛衰世事俱如此
撫境甯虧曠達胸

青溪魚釣

詎易紅塵到此違
前溪低處有魚磯
放情不羨披裘伴
寄興何心結網圍
水面游魚看隱約
枝頭好鳥認高飛
遺賢聖代原無跡
釣得璜來好載歸

甯河晚渡

一帶荒江古渡頭，
維門發派自分流。
當日出朝煙斂，
水爲波平晚霧浮。
詎有征鞍鳴隔岸，
將無倦客靜依舟。
二三結伴情何限，
指點甯河筆底收。

女觀貞石

化石亭亭孤嶺旁，
女容頓改舊時粧。
何年夫去心隨去，
此地身亡志不亡。
夜靜鷓鴣堪作伴，
日高蝶舞願同翔。
世間無數冰霜節，
怎似形留草木香。

澄潭秋月

巫山縣志

卷三十二

詩彙

三七

川上支

潭傍萬仞聳崢嶸，
秋色澄江徹底清。
杯舉本從天際望，
歸來卻向水中明。
排雲鴈過還留影，
吸露蟬棲不斷聲。
漫道初更寒莫勝，
一輪高起眾峯迎。

夕霞反照

大江高岸日西馳，
霞映南峯反照時。
五色似飛還似住，
九光將合卻將離。
平昇洲畔分鴉背，
遐舉岡前燦鳳枝。
每愛山陰道上過，
此間麗景想同知。

陽臺暮雨

百丈陽臺照水濱，
雲過卽雨象無倫。
當年果入襄王夢，

此日誰尊帝女神佐禹靈符非小就育民膏澤見深仁
嘆他宋玉詞誣甚朝暮同前事失真

巫山一段雲

唐昭宗

縹緲雲間質盈盈波上身袖羅斜舉動埃塵明豔不勝
春翠鬢晚粧煙重寂寂陽臺一夢冰眸蓮臉見長新
巫峽更何人

巫山一段雲

二首

偽蜀毛文錫

貌掩巫山色才過濯錦波阿誰提筆上銀河月裏寫嫦娥
薄薄施鉛粉盈盈挂綺羅菖蒲花役夢魂多年代

巫山縣志

卷三十二

詩彙

三

屬元和

其二

雨霽巫山上雲輕映碧天遠風吹散又相連十二晚峯
前暗涇唬猿樹高籠過客船朝朝暮暮楚江邊幾度

降神仙

巫山一段雲

偽蜀李珣

有客經巫峽停橈向水湄楚王曾此夢瑤姬一夢杳無
期塵暗珠簾捲香銷翠幄垂西風迴首不勝悲暮雨
洒空祠

古廟依青嶂行宮枕碧流水聲山色鏤粧樓往事思悠
悠雲雨朝還暮煙花春復秋嗚猿何必近孤舟行客
自多愁

臨江仙

偽蜀 牛希濟

峭壁參差十二峯冷煙寒樹重重瑤姬宮殿是仙蹤金
鑪珠帳香靄畫偏濃一自楚王驚夢斷人間無路相
逢至今雲雨帶愁容月斜江上征棹動晨鐘

江繞黃陵春廟閒嬌鶯獨語關關滿庭重疊綠苔班陰
雲無事四散自歸山簫鼓聲稀香鑪冷月娥斂盡彎

巫山縣志

卷三十二

詩彙

三

環風流皆道勝人間須知狂客判死爲紅顏

臨江仙

偽蜀 閻選

十二高峯天外寒竹梢輕拂仙壇寶衣行雨在雲端畫
簾深殿香霧冷風殘欲問楚王何處去翠屏猶掩金
鸞猿嗚明月照空灘孤舟行客驚夢亦艱難

巫山阻風辭

國朝 朱爾邁

一日下瞿唐兩日泊巫峽峽雲如白鹽巫雨連赤甲三
暮復三朝十行九未遂殷勤石尤風如傳神女意神女
絕代無獨立渺空翠何處問妾家點畫成巫字

峽中行者歌

巴東三峽巫峽長猿鳴三聲淚沾裳巴東三峽猿鳴哀
猿鳴三聲淚沾衣

黃牛歌

朝見黃牛莫見黃牛三朝三莫黃牛如故

琵琶峽

梁簡文帝

由來歷山川此地獨迴遘百嶺相迂蔽千崖共隱天橫
峯時礙水斷岸或通川還瞻已迷向直去復疑前夕波
照孤月山枝斂夜煙此時愁緒密熒魂逝九遷

巫山縣志

卷三十二

詩彙

罕

蜀道難

梁簡文帝

巫山七百里巴水三回曲笛聲下復高猿嘯斷復續

折楊柳

梁元帝

巫山巫峽長垂柳復垂楊同心且同折故人懷故鄉山
似蓮花豔流如明月光寒夜猿聲徹遊子淚沾裳

與蕭紀

梁元帝

回首望荆門驚浪且雷奔四鳥嗟長別三聲悲夜猿

餞謝文學

五代沈約

漢池水如帶巫山雲似蓋潯泊背吳潮潺湲橫楚瀨一

望阻漳水甯思江海會以我徑寸心從君千里外

宿空船峽青樹村浦

唐 陳子昂

的的明月水啾啾寒夜猿客愁浩方亂洲浦寂無喧憶
作千金子甯知九逝魂虛聞事朱闕結綬驚華軒委別
高堂夢窺覩明主恩今成轉蓬去歎息復何言

巫峽

唐 楊炯

三峽七百里惟言巫峽長重巖宵不極疊嶂凌蒼蒼絕
壁橫天險莓苔爛錦江入夜分明見無風波浪狂忠信
吾所蹈泛舟亦何傷可以涉砥柱可以浮呂梁美人今

巫山縣志

卷三十二

詩集

聖

何在靈芝徒自芳山空夜猿嘯征客淚沾裳

上三峽

唐 李白

巫峽夾青天巴水流若茲巴水行可盡青天無到時三
朝見黃牛三暮行太遲三朝又三暮不覺鬢成絲

巫山枕嶂

唐 李白

巫山枕嶂畫高邱白帝城邊樹色秋朝雲夜入無行處
巴水橫天更不流

峽中山

唐 盧象

高唐幾百里雲樹接陽臺晚見江山霽宵聞風雨來雷

從三峽起天向數峯開靈境信難見輕舟那可迴

望峽中

唐劉禹錫

渡頭輕雨灑寒梅雲際溶溶雪水來
夢渚草長迷楚望夷陵土黑有秦灰
巴人淚應猿聲落蜀客船從鳥道迴
十二碧峯何處所永安宮外是陽臺

八月上峽

唐李頻

萬里巴江水秋來滿峽流亂山無陸路
行客在孤舟洶洶灘聲急冥冥樹色愁
兔為三不弔已白一生頭

過巫山峽

唐李頻

巫山縣志

卷三十二

詩集

望

擁棹向驚灘巫山直下看削成
從地底峻極出雲端暮雨晴歸少
嘯猿渴下難一聞神女去風竹埽空壇

巫峽

唐曾松

巫山蒼翠峽通津下有仙宮楚女真
不逐綵雲歸碧落卻為暮雨撲行人
年年舊事音容在日日誰家夢想頻
應是荆山留不住至今猶得覩芳塵

舟過巫峽

國朝盧謙

日落瞿塘上猿嘯兩岸空山藏
神女廟浪接楚王宮飛峽雲容白
懸江樹影紅推蓬纔一瞬已過萬峯中

巫峽

國朝丁芝潤

雲鎖碧芙蓉巫山十二峯迴波流曲曲積翠溼重重兩
岸猿聲苦長途客思濃欲瞻神女廟惆悵隔仙蹤

過黃牛峽

唐張蠙

黃牛來勢瀉巴川疊日孤舟逐峽前雷電夜驚猿落樹
波濤愁恐客離船盤渦逆入嵌空地斷壁高分縹繞天
多少人經過此去一生魂夢泊潺湲

黃牛峽祠

宋歐陽修

大川雖有祠浮祀亦其俗石馬繫祠門山鷓噪叢木潭

巫山縣志

卷三十二

詩彙

墨

潭邨鼓隔溪聞楚巫歌舞送迎神畫船百丈山前路上
灘下峽長來去江水東流不暫停黃牛千古長如故峽
山侵天起青嶂崖崩路絕無由上黃牛不下江頭飲行
人惟向舟中望朝朝暮暮見黃牛徒使行人過此愁山
高更遠望猶見不是黃牛滯客舟

三峽歌三首

宋陸游

十二巫山見九峯船頭彩翠滿秋空朝雲暮雨渾虛語
一夜猿啼明月中

我遊南濱春暮時蜀船曾繫挂猿枝雲迷江岸屈原塔

花落空山夏禹祠

神女廟前秋月明黃牛峽裏暮猿聲危途性命不容恤
百丈牽船侵夜行

初入巫峽

宋 范成大

鑽火巴東岸撻金峽口船東江崖欲合漱石水多漩卓
午三竿日中間一罅天偉哉神禹迹疏鑿此山川

燕子坡

宋 范成大

大山如牆缺小山如塚壘眾山直下看方知此峯危水
末見夔峽一溝益春泥中有天下險造化真兒戲峯頂

巫山縣志

卷三十二

詩集

四

川文

不滿笑舟中鬚成絲登高尙超覽况乃絕俗姿

巫峽

明 張含

夔州城下陰霏霏我寄客船他夜歸越船蜀艇幾烏榜
赤甲白鹽雙翠微煙蘿一帶野猿嘯石壁萬仞明星稀
三巴迢遞望三楚京洛紅塵愁滿衣

巫峽

國朝 許汝龍

放舟下巫峽心在十二峯雲山互虧蔽蒼翠殊形容初
見如展旗稍進或張蓬獅象有形似樓觀皆玲瓏美人
綰高髻對面青芙蓉誰擲金剪刀錦繡裁空濛其餘各

巧匿半面難相逢奇峭無窮極人獸兩絕蹤森秀山木
多變滅煙雲重盤渦送舟楫俄頃異西東古人有佳咏
欲賦難爲工

巫峽

何明禮

夔門通一綫怪石插流橫峯與天關接舟從地窟行亂
猿昏月色殘鴈冷江聲神女知何處時時雲雨生

巫峽

張衍懿

峽自夷陵東江從白帝懸兩崖如劍立百丈入雲牽石
出疑無路雲開別有天往來頻涉險千里正茫然

巫山縣志

卷三十二

詩彙

巽

巫峽

楊潮觀

峽行七百里打鼓上灘聲暮夜黃陵廟朝暉白帝城連
山雲不斷疊石浪難平盡日千波上郵籤莫問程

跳石灘

宋 琬

神女峯前江水平危灘忽報客心驚舟從豺虎鬚邊過
人踏鼃鼃背上行鳥道孤懸惟一髮猿嗥恨少第二聲
高唐雲雨空回首霞氣霏微似赤城

黃牛峽

傅作楫

黃牛峽口石粼粼黃陵廟前愁殺人渦盤瀆掣落飛電

天黑日昏疑有神陰壑寒猿叫木杪孤舟夜雨懸江津
十年羈客厭風浪還向春洲舉白蘋

峽雨

傅作楫

芙蓉三萬朵飛翠曉蒙蒙一過隔山雨橫生眾壑風蒼
龍飛郡北紫電掣巴東葉葉漁舟去高堆白浪中

峽中二首

李芝

疊練飛波面盤渦激浪心剩青天一尺積鐵壁千尋偉
石鋒稜立蛟龍窟宅深維舟驚乍咤兕叫出煙岑

出峽復入峽一灘又一灘浪中穿雪過帆影觸雲殘山

巫山縣志

卷三十二

詩彙

吳

鬼昏同宿龍宮日共餐故鄉行尙遠枕上總風湍

瞿唐峽

明孫蕢

我從前月來西州錦官城下十日留回船正值九九節

巫山巫峽風颼颼人言灑灑大于馬瞿塘此時不可下

公家王事有程期敢憚微軀作人鮓人鮓甕頭翻白波

怒流觸石爲漩渦柁工敲板助船客破浪一撇如飛梭

灘聲櫓聲歷亂聒緊搖手滑櫓易脫沿洄劃轉如旋風

半側船頭水花沒船頭半沒船尾高水花作雨飛鬢毛

爭牽百丈上崖谷舟子快捷如猿猱攏船把酒聊自勞

因笑輕生博奇好吟詩未解追謫仙天遣經行蜀中道
巴東東下想安流便指歸州向峽州船到岳陽應漸穩
洞庭霜降水如油

瞿唐峽

安 磐

水下夔門灩澦堆一山中斷兩屏開昭君宅抱琵琶峽
神女祠懸雲雨臺側壁倒巖無鳥過古籐昏樹有猿哀
懸燈夜泊風波惡賴此巫山月下杯

曉過瞿唐

國朝 陶 澍

望華亭畔淨煙蕪櫂響瞿唐下舳艫一石捍流橫馬象

巫山縣志

卷三十二

詩彙

罍

雙門排險扼魚鳧溪聲近合東西瀼山色遙連大小巫
誰與高唐報神女早來迎客有檣烏

巫峽

陶 澍

奇氣由天縱峯巒不可尋浦連魚復黯山鑿鼉靈深萬
古崖邊月三秋海上心清冷流水意好入伯牙琴

神女廟

唐 韋 莊

亂猿唬處訪高唐路入煙霞草木香山色未能忘宋玉
水聲猶似哭襄王朝朝暮暮陽臺下爲雨爲雲楚國亡
惆悵廟前無限柳春來空鬪畫眉長

神女廟

唐 唐 求

細腰宮盡舊城摧
神女歸山更不來
惟有楚江斜日裏
至今猶自遶陽臺

神女廟

唐 王 周

巴水走若箭峽山開如屏
洶湧足練白崑崙濃藍青崖
空蓄雲雨灘惡驚雷霆
神仙宅幽邃廟貌橫杳冥
隱約可一夢縹緲餘千齡
名利有所役舟楫無暫停
窳窳垂於蠻祠禱希安甯
鴟鴞爾何物飛飛來廟廷
紛紛颺寥泬遠近隨虛舫
鐵石礪觜爪金碧輝光翎
翔集託陰險吞滄溟

巫山縣志

卷三十二

詩彙

吳

鶴啄貪膾腥日既恃威福
歲久為精靈依草與附木
誣詭殊不經城狐與社鼠
瑣細何足聽况乎人假人心
闕神女廟

唐 王 周

廟前溪水流潺潺廟中修竹聲
珊瑚襄王一夢杳難問
晚晴天氣歸雲問

神女廟

唐 劉禹錫

巫山十二鬱蒼蒼
片石亭亭號女郎
曉霧乍開疑卷幔
山花欲謝似殘粧
星河好夜聞清佩
雲雨歸時帶異香

何事神仙九天上人間來就楚襄王

神女廟二首

唐李羣玉

寂寞高唐別楚君
玉人天上逐行雲
停舟十二峯巒下
幽佩仙香半夜聞

廟閉春山曉月光
波聲回合樹蒼蒼
自從一別襄王夢
雲雨空飛巫峽長

神女廟

唐劉滄

十二峯嵐挂夕暉
廟門深閉霧煙微
天高木落楚人思
山迴月殘神女歸
觸石晴雲凝翠鬢
度江寒雨溼羅衣

巫山縣志

卷三十二

詩彙

巽

嬋娟似恨襄王夢
猿叫斷巖秋蘚稀

神女廟

唐崔塗

雙黛儼如頰
應傷故國春江山
非舊主雲雨是前身
夢覺傳詞客靈猶福
楚人不知千載後
何處又為神

神女廟

唐温廷筠

黯黯閉宮殿
霏霏蔭薜蘿
曉峯眉上色
春水臉前波
古樹芳菲盡
扁舟離恨多
一叢斑竹裏
環佩響如何

神女廟

唐繁知一

忠州刺史今才子
行到巫山必有詩
為報高唐神女道

速排雲雨候清詞

神女廟

宋蘇軾

大江從西來上有千仞山江山自環擁恢詭富神姦深
淵鼉鼉橫巨壑蛇龍頑旌陽斬長蛟雷雨移蒼灣蜀守
降老蹇至今帶連環縱橫若無主蕩逸侵人寰上帝降
瑤姬來楚荆巫閭神仙豈在猛玉座幽且閒飄蕭駕風
馭彌節朝天關倏忽巡四方不知道里艱古粧具法服
邃殿羅煙鬢百神自奔走雜沓來趨班雲興靈怪聚雲
散鬼神還茫茫夜潭靜皎皎秋月彎還應搖玉佩來聽

巫山縣志

卷三十二

詩集

辛

水潺潺

神女廟

宋唐耜

楚澤隱巫山翠壁開鴻濛萬流束長峽怒浪日簸春朝
暉澹高唐岳阿閼彤宮罟罟散煙霧榮光饒長虹恭聞
雲華君少陰體冲融受道紫清闕飛化凌三空徜徉江
海上千騎馳蒼龍羽節回天津央央弭層峯悽惻下土
人昏墊無所容寶書授神禹百靈倏奔從蛟螭委鞭策
山川奠西東九州免爲魚遂成萬世功嗟余晚聞道蓬
心蔽徑侗維舟垂崖邊再拜望遺蹤嶙峋山頭石雲衣

尚溶溶縹緲玉瑛臺如在指顧中童律不可問至言誰
擊豪仰首天壇下松柏悲回風

神女廟

國朝陳濬

東南佳氣散層霄萬仞芙蓉挂次寥錦樹秋飛珠佩近
石屏春轉玉臺遙乍疑舉袂雲連雨卻道含情暮復朝
采采涉江花落去最憐無路報瓊瑤

神女廟

王士正

筮篋山下路遺廟問朝雲冠古才難並波流日易曛玉
容空寂寞山翠自氤氳東望章華晚含情尚為君

巫山縣志

卷三十二

詩集

至

神女廟

一作雲華祠

焦懋熙

自昔頌平成獨何推夏后蛟龍爭窟宅拯溺心如疚賴
有仙真來寶文勅侍開神工運鬼斧昏墊永無災我詣
雲華祠整冠瞻聖化臨流思偉績功不在禹下

神女廟二首

楊潮觀

神女祠前落日曛千秋禹績異傳聞君王一夢渾聞事
何處山川不出雲

終古山靈列障開楚王宮殿倏成灰今朝十二峯頭雨
自為三農布澤來

神女廟

吳簡言

惆悵巫娥事不平當年一夢是虛成只因宋玉間唇吻
流盡巴江洗不清

雲華祠

國朝宋書

帝女乘鸞下碧空曾聞佐禹奏天工當年祕授元文册
此日空餘玉藥宮雲佩三千飛黛雨霓裳十二落丹楓
江山自是多佳麗不信飄零入夢中

神女廟

德克進布

莊嚴正大蕊宮仙楚客無端賦浪傳一十二峯沾惠澤

巫山縣志

卷三十二

詩集

至

朝雲暮雨潤桑田

舟過神女廟

陶澍

峽氣襲人秋耿耿巖迴岫復殊人境山靜微聞鶴鶴聲
潭空俯覩蛟龍影一枝桑艣搖浪花仙風吹落香雲冷
雨霽登巫山絕頂還過神女廟

方積

扶杖試登還悵望懸梯絕磴迴無塵猿穿風雨三聲舊
鷗貫虹霓五色新西上峯巒尊白帝東來舟楫及青春
崖花澗草通靈否合向神祠小薦蘋

神女廟

司爲善

巴國山川此盡頭靈祠高鎖蜀門秋授書入夢渾間事
一任長江涇渭流

高唐觀

明郭棻

做席高登最上峯涼飈浙灑入簾櫳三川繞郭秋聲急
九日看花客思濃對酒莫辭鸚鵡醜題詩須寄紫荷筒
感時懷古心俱切雲暗陽臺十二重

登高唐觀

國朝王士正

西上高唐觀陽雲對舊臺瑤姬何處所望遠獨徘徊恍
忽荆王夢芳華宋玉才細腰宮畔柳併作楚人哀

巫山縣志

卷三十二

詩集

三

九日登高唐

傅作楫

不是龍山會翩然側帽來峯環巴子國雲出楚王臺勝
地耽詩思懷人託酒盃遙知兄與弟笑對菊花開

詠楚王宮

唐李商隱

十二峯前落照微高唐宮暗坐迷歸朝雲暮雨長相接
獨有君王憾見稀

過楚王宮

唐李商隱

巫峽迢迢舊楚宮至今雲雨暗丹楓微生盡戀人間樂
只有襄王憶夢中

詠楚王宮

明 繆定周

雲雨臺荒何處宮
長途暮日映山楓
浮生往來揮閑事
不獨襄王是夢中

楚王宮

國朝 修 仁

荒山何處覓琳宮
一片斜陽醉晚楓
翻笑高唐徒作賦
神仙不在世情中

楚王宮

傅作楫

四望煙風裏
蒼茫野色齊
山猶開躑躅
春自發棠梨
亂石江雲捲
藤蘿夜雨迷
一從亡國後
空有鷓鴣嘯

巫山縣志

卷三十二

詩彙

善

楚王宮

司為善

雲雨荒唐何處空
室勞宋玉說雄風
懷王一死襄王繼
君臣千古夢魂中

楚王宮

陳杏昌

漫道高陽楚有宮
空山僅覩兩三楓
君王也被荒談誤
怎怪癡人在夢中

楚王宮

烏拉靈壽

楚宮已作楚王宮
蒼翠迴環萬樹楓
變幻從來原是夢
我今尋夢夕陽中

登高唐讀繆公詩

陳杏昌

一望高唐縣治西肩輿直上快攀躋碑懸古句披吟後
壓倒詩人未敢題

尋陽臺解宋玉夢

陳杏昌

天降仙娥助禹功是誰一夢太朦朧我來仙去臺何在
畢竟臺空夢亦空

過黃陵廟

唐李于村

黃陵廟前湘水綠天寒魚郎唱巴曲沙棠舟上月蒼蒼
翠蛟白蜃江茫茫似聞清愁五十柱萬里鴻飛楓葉莫

巫山縣志

卷三十二

詩彙

五

神鴉翻舞祠門開珠裳玉袖霏莓苔元猿晝唳蘿薜影
赤鱗夜去芙蓉冷北渚淚痕斑竹紋南風哀思蒼梧雲
山頭古桂秋露碧山下江流豈終極荒涼揭車雜杜衡
靈風自吹煙霧旌輕帆晚向芳洲泊聊薦蘋羞奠蘭酌
沅有汜兮湘有沱洞庭木葉生層波裴回獨吟騷人歌
過昭君村

唐白居易

靈珠產無種彩雲出無根亦如彼姝子生此遐陋村至
麗物難掩遽選入君門獨美眾所嫉終棄於塞垣惟此
希代色豈無一顧恩事迫勢須去不得由至尊白黑既

可變丹青何足論竟埋代北骨不返巴東魂慘澹晚雲
水依稀舊鄉園妍姿化已久但有村名存村中有遺老
指點爲我言不取往者戒恐貽來者寃至今村女面燒
灼成癍痕

過昭君故宅

唐崔塗

以色淨胡塵名還異眾嬪免勞征戰力無媿綺羅身骨
竟埋青塚魂應怨畫人不堪逢舊宅寥落楚江濱

詠懷古迹

唐杜甫

支離東北風塵際漂泊西南天地間三峽樓臺淹日月

巫山縣志

卷三十二

詩彙

五

五溪衣服共雲山羯胡事主終無賴詞客哀時且未還
庾信生平最蕭瑟暮年詩賦動江關

羣山萬壑赴荆門生長明妃尚有村一去紫臺連朔漠
獨留青塚向黃昏畫圖省識春風面環佩空歸夜月魂
千載琵琶作胡語分明怨恨曲中論

詠昭君村

明繆宗周

賢村江畔夕陽斜生長明妃未有家自出金屏仍漢骨
年年青塚照胡沙

詠昭君

國朝黃幼藻

天外邊風撲面沙舉頭何處是京華早知身被丹青悞
但嫁巫山百姓家

詠昭君

劉淑慧

出舍甯辭萬里遙建功未肯讓班超丹心不愧芙蓉面
贏得單于拜漢朝

明妃

吳雯

不把黃金買畫工進身羞與自媒同始知絕代佳人意
卽有千秋國士風環佩幾層歸夜月琵琶惟許託賓鴻
天心特爲留青塚春草年年似漢宮

巫山縣志

卷三十二

詩彙

五

昭君村

德克進布

辭君回首漢宮斜一曲琵琶憶故家村女至今猶灼面
恐教紅粉葬胡沙

昭君村

修仁

山邨寥落徑通斜傳說明妃舊有家想見當年鍾毓處
江干孤月照晴沙

昭君村

陳杏昌

欲訪賢村怯徑斜歸州見說舊爲家紫臺一去豐留塚
青草至今映白沙

墓在古豐州

昭君村

失名

一曲琵琶翠袖斜
娥眉報主已忘家
至今白馬灘前月
猶照黃龍塞外沙

照君村

烏拉靈壽

荒村寂寞枕江斜
云是明妃舊日家
翻讓紅顏傳不朽
同時第宅等泥沙

弔蜀宮殉難四近侍詩

王後槐

岷峨毓秀產名媛
璧合珠聯麗質蕃
聲價舊傳同杞梓
品題今見重璵璠
獨憐才色丁衰世
誰識松筠萃弱藩

巫山縣志

卷三十二

詩彙

五

川文

四美齊芳稱勝事
三年並侍沐殊恩
江間正覩龍舟盛
枕上旋聞戰鼓喧
良玉勤王傾箸帚
嗣昌揖盜破藩垣
陳書哭闕原無補
募士捐貲豈有援
偽詔忽然來邃殿
狂氛早已入重關
毒流臣庶山河裂
殃及王妃日月昏
黃虎肆凶空子類
青娥秉正恥生存
志同鐵石甘糜體
勇奪鬚眉敢喪元
荷沼完貞雲黯黯
御溝全節水泙泙
當進擊賊英風著
絕粒吞金大義敦
同以丹心扶社稷
永留赤膽照乾坤
香骸零落千秋痛
碧血沈埋萬古冤
鬼哭先君當淚竭
魂悲故國亦聲吞
蕭條廢苑山猶在

寂寞空庭井已枯
束髮橋傾添草色
麗春軒廢徧苔痕
梧桐秋雨悲深院
桃李春風慘舊門
奇節不隨時代沒
幽光猶賴表揚尊
一杯敬酬傷何限
百首長吟誌勿諼
史冊垂名誠可述
泉臺抱恨不須言
我來幾度閒流覽
憑弔蒼茫涕泗繁

閱節孝夏母姜孺人事實題

曾朝柱

巫岫雲封尚可攀
冰操勁節重於山
三年帳冷風霜薄
九月孤遺鞠養艱
永夜磨聲心共碎
清秋淚漬竹爲斑
茆檐天聽終能到
喜見綸音日下頒

巫山縣志

卷三十二

詩彙

五

代題巫邑令楊侯德政

侯諱日楚

箕仙

肅肅秋風動吹來禾黍香
問誰是飽煖到處頌甘棠

訪蘇黃遺墨

唐查籥

檻外滔滔水富前
冉冉雲行人舟似葉
題墨蘚生紋歲
月帆檣去山川
楚蜀分十年三艤
棹永愧北山文

玉光亭

在巫山縣廳之東章郇公詩碑在焉

唐青楊楷

鳴琴賢宰有三長
吟得新詞敵夜光
妙是斷章無以和
神仙官職水雲鄉

題巫山瞻華亭

明鄧諫從

峻嶒玉削三千丈翠潑嵐光冷相向風含太古雲氣長
變化溟濛紛萬象陰晴一日具四時天籟壑深虛自響
神山娟妙擢羣參錦繡鋪張獻奇狀蟠根積鐵滙百川
龍矯蛟翻饒跌宕勢連三楚此開國故壘荒宮帶溪瀼
樓臺井邑老風煙環珮清聞駐仙仗竹林風味便讀易
久與江山爲輩行鳴絃餘暇豁心眼戲看飛闌雲雨上
爽明自可達壅蔽野獲又何勞草創政和民氣長似春
景迴心平過於掌征鴻明滅志何杳黃鵠追隨意尤放
當年李杜經行處太史銀鈎刻青嶂寶刀珠瑟出耕墾

巫山縣志

卷三十二

詩集

卒

川上

曲水纖腰迷草莽牢盆古隸雜秦篆飛動閒摹永平樣
珊瑚交柯炯不蝕髣髴將軍勳業壯英雄繁盛隨流水
時有竹枝賡牧唱孔泉文物起騷經國色明妃守孤尙
我家峨眉紫翠間爲愛奇峯甘蒟醬秋風野水憶鱸莼
擊汰夷猶理煙榜

有懷巫峽書屋

國朝 傅作楫

三更推枕忽狂叫芙蓉照眼青濛濛巫峯十二離雲嶠
遠來就我青門東江頭神禹驅鬼斧鑿開混沌分天柱
雷霆日月雙壁行老龍出穴驅風雨天門奇險爭瞿唐

柴扉斜對綠蒼茫愛向千峯結書屋書燈隱射波濤光
正月桃花紅爛熳岷峨春漲迷高岸葦葉橫飛下九霄
峭壁懸崖削天半之官一舸類浮家亭午天開落日霞
把酒臨風渾似昨等閑孤負東籬花巫峯矗矗雲之表
青山滄海催人老借問窗前舊唳鶯可見朱顏長美好
聖泉書院 傅作楫

江縣分夔北山齋接楚南嶺頭行虎跡峽底蟄龍潭地
險三巴扼民風九郡參包茅同楚貢火布入齊談木石
居猶近金銀氣不貪一壺仍苜蓿千樹種梗楠近浦開

巫山縣志

卷三十二

詩彙

空

明鏡遙峯上鬱藍谷疑青灌口地似綠天菴倚竹常清
嘯當盃獨翠酣興來攜綠綺春到載黃柑牧唱無冬夏
奚童有二三叟常尋角里仙或訪蘇耽花徑長吟咏松
根任劇談白鷗隨釣艇紅葉壓樵檐翠鳥鳴衣桁青芝
滿藥籃有時欣自賞無事只閒探瀑水當堦濺山窗宿
霧含文心真大快幽夢亦何慙桃李滋春雨煙雲掃石
嵐莓從飛翠落頻眺碧甃甃

感遇

唐 陳子昂

朝發宜都渚浩然思故鄉故鄉不可見路隔巫山陽

山綵雲沒高邱正微茫
伫立望已久涕落沾衣裳
豈滋越鄉感憶昔楚襄王
朝雲無處所荆國亦淪亡

感遇

唐李白

宋玉事襄王立身本高潔
巫山賦綵雲郢中歌白雪
舉國莫能知巴人皆卷舌
一惑登徒言恩情遂中絕

江上寄巴東故人

漢水波浪遠巫山雲雨飛
東風吹客夢西落此中時
覺後思白帝佳人與我違
瞿塘饒賈客音信莫令稀

感興

巫山縣志

卷三十二

詩集

空

瑤姬天帝女精彩化朝雲
宛轉入宵夢無心向楚君
錦衾抱秋月綺席空蘭芬
茫昧竟難測虛傳宋玉文

古風

我行巫山渚尋古登陽臺
天空彩雲滅地遠清風來
神女去已久襄王安在哉
荒淫竟淪沒樵牧徒悲哀

古意

唐常建

楚王竟何去獨自留巫山
偏使世人見迢迢江漢間
駐舟春溪裏皆願拜靈言
寤寐見神女金紗鳴佩環
閑豔絕世姿令人氣力微
含笑竟不語化作朝雲飛

送李少府貶峽中王少府貶長沙

唐高適

嗟君此別意何如駐馬銜杯問謫居
巫峽曉猿數行淚
衡陽歸鴈幾行書
青楓江上秋帆遠
白帝城邊古木疎
聖代卽今多雨露
暫時分手莫躊躇

巫山縣汾州唐使君十八弟宴別兼諸公攜酒樂相送

率題小詩留於壁上

唐杜甫

臥病巴東久今年強作歸故人猶遠謫茲日倍多違
接宴身兼杖聽歌淚滿衣諸公不相棄擁別借光輝

送李八祕書赴杜相公幕

巫山縣志

卷三十二

詩集

三

川之廿

青簾白舫益州來巫峽秋濤天地迴
石出倒聽楓葉下
櫓搖背指菊花開
貪趨相府今晨發
恐失佳期後命催
南極一星朝北斗
五雲多處是三臺

大歷元年九月三十日

爲客無時了悲秋向夕終瘴餘夔子國
霜薄楚王宮草
敵虛嵐翠花禁冷
藥紅年年小搖落
不與故園同

巫山八月十五夜月

滿目飛明鏡歸心折大刀轉逢行地遠
攀桂仰天高
水路凝霜雪
林棲見羽毛
此時瞻白兔
直欲數秋毫

巫峽蔽廬奉贈侍御四舅別之澧湖

江城秋日落山鬼閉門中行李淹吾舅誅茅問老翁赤
眉猶世亂青眼只途窮傳語桃園客人今出處同

將別巫峽贈南卿

一作鄉

兄灑西果園四十畝

苔竹素所好萍蓬無定居遠遊長兒子幾地別林廬雜
蕊紅相對他時錦不如具舟將出峽巡圃念攜鋤正月
喧鶯未茲辰放鷁初雪籬梅可折風榭柳微舒託贈卿
家有因歌野興疎殘生逗江漢何處狎樵漁

小園

巫山縣志

卷三十二

詩集

雷

三十三

由來巫峽水本是楚人家客病留因藥春深買爲花秋
庭風落果灑岸雨頽沙問俗營寒事將詩待物華
卽事

暮春三月巫峽長晶晶行雲浮日光雷聲忽送千峯雨
花氣渾如百和香黃鶯過水翻迴去燕子銜泥溼不妨
飛閣卷簾圖畫裏虛無只少對瀟湘

雨

峽雲行清曉煙霧相徘徊風吹蒼江樹雨灑石壁來淒
涼生餘寒殷殷兼出雷白谷變氣候朱炎安在哉高鳥

涇不下居人門未開楚宮久已沒幽珮爲誰哀侍臣書
王夢賦有冠古才冥冥翠龍駕多自巫山臺

雷

巫峽中宵動滄江十月雷龍蛇不成蟄天地劃爭迴卻
碾空山過深蟠絕壁來何須妬雲雨霹靂楚王臺

朝

浦帆晨初發郊霏冷未開林疏黃葉墜野靜白鷗來礎
潤休全涇雲晴欲半迴巫山冬可怪昨夜有奔雷

月

巫山縣志

卷三十二

詩彙

奎

斷續巫山雨天河此夜新若無青嶂月愁殺白頭人
魍移深樹蝦蟇動半輪故園當北斗直想照西秦
併照巫山出新窺楚水清羈棲愁裏見二十四回明必
驗升沈體如知進退情不違銀漢落亦作玉繩橫

晴

久雨巫山暗新晴錦繡文碧知湖外草紅見海東雲竟
日鶯相和摩霄鶴數羣野花乾更落風處急紛紛

暮春

臥病擁寒在峽中瀟湘洞庭虛映空楚天不斷四時雨

巫峽長吹萬里風沙上草閣柳新開城邊野池蓮欲社
暮春鴛鴦立洲渚挾子翻飛還一叢

負薪行

夔州處女髮半華四十無夫家更遭喪亂嫁不售
一生抱恨長咨嗟土風坐男使女立男當門戶女出入
十猶八九負薪歸賣薪得錢應供給至老雙鬢只垂頸
野花山葉銀釵並筋力登危集市門死生射利兼鹽井
面粧首飾雜唬痕地褊衣寒困石根若道巫山女麤醜
何得北有昭君村

巫山縣志

卷三十二

詩集

奕

最能行

峽中丈夫絕輕死少在公門多在水富豪有錢駕大舸
貧窮取給行艤子小兒學問止論語大兒結束隨商旅
欹檣側拖入波濤撇漩捎瀆無險阻朝發白帝暮江陵
頃來目擊信有徵瞿唐漫天虎鬚怒歸州長年與最能
此鄉之人器量窄誤競南風輕北客若道士無英俊才
何得山有屈原宅

老病

老病巫山裏稽留楚客中藥殘他日裏花發去年叢夜

足霑沙雨春多逆水風合分雙賜筆猶作一飄蓬

橈歌行

國朝
張問安

大舶之橈三十六小舶之橈二十四非橈擊水水轟豁
隨浪圓渦作迴勢上峽歌起鄩都旁下峽聲激窮荆湘
推舵聲悠磧聲力千聲如咽三聲長上灘牽船紛聚螳
萬聲噪殺鳥噪水引吭搖臂獨有人蹠躩迴身如自喜
緣江怪石窺中流撿挽趨捷輕猿猴大聲一呼萬人應
巨纜落水顛行舟打鼓紆遲鼓橈速共道革聲不如肉
更思一日下江陵柁後時時聞柏木夷陵江下江茫茫

巫山縣志

卷三十二

詩彙

七

一聲款乃江中央吳娘十五竹枝曲解唱巫山空斷腸

寄題忠州小樓桃花

唐
白居易

再遊巫峽知何日總是秦人說向誰長憶小樓風月夜

紅闌干上兩三枝

聽竹枝贈李侍御

巴童巫女竹枝歌懊惱何人怨咽多
聽君猶悵望長聞教我復如何

竹枝歌

唐
劉禹錫

巫峽蒼蒼煙雨時青猿嘯在最高枝
箇裏行人腸自斷

由來不是此聲悲

上巳從史巫山禱飲江皋

宋李重

風沙一夜卷冥冥
曉色瞳矇上翠屏
薄宦驅人成老大
佳時得酒慰飄零
紅餘晚樹迷幽谷
綠漲晴波失遠汀
卻是崇山兼峻嶺
看來渾不減蘭亭

離巫山晚泊跳石灘

黃昏風雨阻江濱
翠縮羣峯暮色勻
一夜子規嗁到曉
孤舟愁殺未歸人

巫山竹枝

巫山縣志

卷三十二

詩集

套

封崇嶺上細腰宮
遺老相傳祭鬻熊
一炬牧兒今祇處
年年青草長春風

其二

陽臺門前六律山
女郎吹笛翠微間
日斜酒散同歸去
笑插花枝滿鬢鬟

竹枝歌

明楊慎

紅粧女伴碧江濱
蓮草花簪茜草裙
西舍東鄰同夜燭
吹笙打鼓賽朝雲

其二

神女峯前江水深襄王此地幾沈吟麗華温玉朝朝態
翠壁丹楓夜夜心

其三

無義灘頭風浪收黃雲開處見黃牛白波一到青峯裏
聽盡猿聲是峽州

金盤草

生甯江巫山南陵林木中

唐王周

金春從南陵草名得金盤金盤有仁性生在林一端根
節歲一節其根一年一節人採而服之可解毒食之甘而酸風俗競采綴
俾人防急難巴中蛇虺毒解之如走丸巨葉展六出輒

巫山縣志

卷三十二

詩彙

卷

斡分長竿搖搖綠玉活裏裏香荷寒世云暑酷月鬱有
神物看夏中採之則有巨蛇衝足人即難採天之產於此意欲生民安人
之為政者何不反此觀知彼苛且猛慎勿虐而殘一物

苟失所萬金惟可歎莫並蒿與萊豈羨芝與蘭勤渠護
根本栽植當庭蘭寄言好生者休說神仙丹

見螢火

唐杜甫

巫山秋夜螢火飛疏簾巧入坐人衣忽驚屋裏琴書冷
復亂簷前星宿稀卻繞井欄添箇箇偶經花藥弄輝輝
滄江白髮愁看汝來歲如今歸未歸

巫峽聽猿

唐 吳商浩

巴江猿嘯苦響入孤舟中一枕破殘夢三聲隨曉風連
雲波澹澹和霧雨濛濛巫峽去家遠不堪魂斷空

三峽聞猿

唐 慕幽

誰向北來不恨生聲聲多是斷腸聲七千里外一家住
十二峯前獨自行瘴雨晚藏神女廟蠻煙橫鎖夜郎城
憑君旦暮哀吟好會待青雲道路平

聞猿

宋 陸游

瘦盡腰圍不為詩良晨流落自成衰也知客裏偏多感

巫山縣志

卷三十二

詩彙

三

川七八

誰料天涯有許悲漢塞角殘人不寐渭城歌罷客將離
故應未抵聞猿恨况是巫山廟裏時

感昔

陸游

負琴腰劍成三友出蜀歸吳歷百城最是客途愁絕處

巫山廟下聽猿聲

聞詩得男名夔

宋 王十朋

巫邑初傳鯉吾家遂得夔遙知如馬地卻應夢熊詩官
添二千石孫看第一枝欣同君子抱祝汝似吾兒

自蜀江下南郡寄袁陟

宋 劉敞

巫峽行雲外春江落日邊隔年雞黍具萬里孝廉船遠
道比何若相思長渺然郢中輕白雪逸響待君傳

大溪口守風

國朝
張問陶

伏枕千峯底江聲午夜寒雪花魚腹壘風力虎鬚灘峽
通天眞小途長歲易殘妻孥應笑我日日著詩難
村谷通人迹山田界雪痕風聲夔峽動龍氣楚江昏夜
黑舟逾重鑪紅酒自溫竟思尋杜老餞歲古東屯
雲雪英英白奇峯高刺天四圍山斗絕五色樹鶯然石
泐泉香細村藏竹影圓恨無荆浩筆畫此峽中船

巫山縣志

卷三十二

詩彙

三

細看瞿塘峽船窗雙眼明人心怖風色天意緩詩情雨
止孤雲落山繁一水爭五更歸夢急青壁杜鵑聲
舟中遙望巫山

倚枕灘聲急開頭雨氣新官閒畏津吏食儉愧厨人峽
斷前山拆江流古縣春迎舟峯一簇在遠益丰神
直抵瞿塘秀巫山十二峯靈詞春夢曉古峽雨痕濃石
氣圍孤艇江聲走毒龍陽雲臺自好林壑暮重重

峽中寄王椒畦王子卿

巴東三峽絕奇麗一石一波天下無安得王郎才子筆

濃磨五色畫夔巫

荆關董巨皆非是細秀清雄只費猜
小李將軍吳道子亂攬粉本貌將來

壬子除夕與亥白兄神女廟祭詩作

黑夜攜詩入破廟一衲驚呼千鬼笑
秉燭方知神女祠風裳水珮殊清妙
神女助禹成大功功與童律庚辰同
不知宋玉是何物敢造夢囈汙天宮
楚人語妄蜀人闢二蘇兄弟真英雄
我輩能知神必爲神所福况有寄詩
神可讀祭時敬借神前燭神女奇詩共一
鐙靈光萬丈

巫山縣志

卷三十二

詩集

三

騰光谷兄詩一百九弟詩一百五
開卷古墨香獻神神不吐一年心血
嘔可憐疏鑿還如禹功苦丹書玉笈爭
千古神目盼兮喜欲舞已酉祭詩張果洞仙人乍來白
雲重庚戌祭詩椒山祠忠魂颯颯撚吟髭
天遣今年到巫峽兩枝筆健千山雜不抄
古人書我自用法狂吟忘朝飢冥想驚夢
魘只饑肝腸不報功人間何必生鷺鷥
鳴白魚朱橘次第陳一杯慰勞吾精神
蜀酒禁愁利胸膈來年口腹重清新
今夕已除夕行樂當及辰眼前亭亭立
監史雲華上官之夫人我醉猖狂神不怒
人能痛

飲詩方真弟勸兄酬爵無算奇峯十萬爭來看明日開
船去不辭好風送出巫山縣

舟中守歲

守歲巫山縣懸燈照不眠逆風留過客流水送殘年酒
脯忙終日妻孥隘一船東川杳何處回首萬峯前
漸苦中年近真愁路客長酒悲神黯淡詩急夢張皇風
雪已今夕山川猶故鄉莫辭巫峽酒開纜卽荆襄
魚得厨人喜深杯酒不辭客心常草草春色故遲遲語
靜鄰船怪詩靈上帝知殘年荒峽底蹤跡溷舟師

巫山縣志

卷三十二

詩彙

三

南雪不到地山頭終夜明悚然詩酒興清絕弟兄情小
艇榮壽帖千峯蒼爆聲頭顱忽三十役役歎浮生

癸丑元日入巫峽

一年第一自攜酒看巫山晴雪照三峽春風吹百蠻倚
天雙壁破迎歲萬峯間冷絕高唐觀朝雲自往還
巫峽同亥伯兄作

雲點巫山洞壑重參天亂插碧芙蓉可憐十二奇峯外
更有零星百萬峯

船頭春色近南蠻元日看山想故山安得倒流三峽水

扁舟一夜便西還

瞿唐巫峽

瞿唐蟠天壁巫峽削千峯處處奇相敵山山妙不重詩
隨林壑變天闢畫圖濃何日真遊遍穿雲策短筇

峽中作

三峽關一心一心爭萬古一處著一詩詩如記里鼓誦
聲琅琅出金石山頭猿鳥盡飛舞醉中不成夢中補書
忘風浪夜忘虎天生此手捉奇筆那能埋頭日把青錢
數軀壳未脫身先腐君不見瞿唐賈

巫山縣志

卷三十二

詩彙

古

由三分水至楠木園出巫峽

船窗低亞小欄杆竟日青山畫裏看奇絕一叢瓔珞水
更無入處自珊珊

石走山飛氣不馴千峯忽作亂麻皴變他三峽成圖畫
萬古終無下筆人

倚天小立玉芙蓉秀絕巫山第一重我欲細書神女賦
薰香獨贈美人峯

江聲蟠曲亂山開天半濛濛萬古苔千丈奇峯立如壁
蛟龍窟裏一帆來

朝陽洞

明陳應元

攀蘿躡磴探幽房洞口參差木數行
湫滴似驕窩水淺火耕不礙野雲涼
層巖四月初秋氣絕壁孤燈震旦光
料是聖泉童必慧朝陽應有鳳來翔

邑有聖泉相傳泉旁童子皆知書

朝陽洞

國朝周敦禮

洞成福地峙平天

對面即平天塘

鳳舞龍飛望若仙踏破雲霞

尋古蹟披開苔蘚認殘鐫三千大界懸紅日十二高峯
鎖翠煙恰值東風初解凍登臨楚客興飄然

其二

巫山縣志

卷三十二

詩彙

七

神斤鬼斧巧而奇鑿破靈根邁等夷空洞安排修道鼎
大陽烘照講經帷谷鶯逐暖透高樹巖雪融晴瀉小陂
疑是桃源新得路春風消息看花枝

龍洞寶曇寺

方瀛

第一蜀山勝巫山見石門何年龍始去亙古洞猶存廣
室騰雲氣深潭護甲痕寺僧真有福丹灶夜常溫
龍洞寶曇寺二首

龍涇

鑿闢洪荒一洞天龍臺高臥幾多年盤中爪甲依然活
奇跡長留萬古傳

參透儒門悟到禪春花秋月樂陶然生成一座蓬萊殿
輸與山僧話夙緣

龍盤古蹟

龍庭三

龍見龍潛不計年龍盤吞吐盪龍泉雲遊多是龍門客
爭羨從龍到九天

題龍洞八景詩

龍明遷

天臺聳入雲翠端石郭橫煙岩作團稻苑香風生佛舍
苞峯晴雪映仙戀鐘聲梵閣夢初曉漏滴蓮華韻未闌
洞口斜陽迴照定龍泉碧盪一龍盤

巫山縣志

卷三十二

詩彙

美

龍洞八景

天臺聳翠

僧瘦木

好靜人尋古洞來巉岩幽壑訪天臺無邊蒼翠層層接
掃石書丹費主裁

石郭橫煙

雉堞參差擁石城山光環抱碧煙橫有仙箇裏勤禪誦
隔岸遙聞鐘磬聲

稻苑香風

秋稻如雲萬畝連香風吹送竹林邊老僧一飯渾無事

最愛農家說種田

苞峯晴雪

雪後晴光見遠山一輪紅旭度禪關杖藜緩步橋東去
面對苞峯路轉灣

梵閣鐘聲

梵王高閣倚巖隈夜靜蒲牢吼若雷驚醒愚頑歸覺路
紅塵插腳爲何來

蓮華滴漏

寶蓮華放古巖頭漏滴丁冬不計秋聽到更深人弗寐

巫山縣志

卷三十二

詩集

七

無絃琴調在僧樓

洞口斜陽

西山日夕影橫斜返照佛頭添瑞華光射洞天吞絕壁

圓靈遠燭法王家

龍盤盪碧

龍盤石跡想當年鱗角欲飛漾碧泉知爾池中留不住
早乘雲雨上遙天

回巫山任

朱家忻

天將巫峽畀詩翁兩度輿情協雨風來去關河歌詠裏

高低城郭畫圖中一官匏繫安懷切多土桐生臭味同
十二峯前重盼望愧無善政及川東

小磨星使以闈中閱卷用東城試院煎茶詩韻并效其
體詩見示長歌奉答

我生不能破浪乘長風橫梁賦詩大江中又不能二十
八宿羅心胸殿前作賦聲摩空一官匏繫川之東巫山
三年何匆匆秋闈同考濫竽充閱文之暇檢詩筒肚皮
空洞心迷夢嘈嘈唧唧如秋蟲何幸青蓮覲面逢贈我
五字長城堅難攻比以四十賢人字字工示我七言長

巫山縣志

卷三十二

詩集

夫

川八十一

歌光熊熊煎茶詠體效坡翁大筆燕許音黃鐘翩若驚
鴻矯若龍擊碎硯壺聲玲瓏三復讀之味無窮玉衡冰
鑑慎且公衡文意與論文同日五色賦辨明通藏三耳
辭善折衷焚香選卷造化功戛戛獨造多奇峯取士必
得鳳棲桐華國文章報國忠吁嗟乎但作公門桃李之
陰濃安用區區崔烈銅轉瞬看花嘶玉驄曲江春宴餅
賜紅君不見心秤平時達

帝聰文學宗師

簡命崇

鹿鳴曲

鳳味堂前華筵開
峩峩濟濟謫仙才
鸞儀帳暖添窗燭
鴈塔名高響殿雷
金風一吹仙桂香
滿門桃李何芬芳
巍巍座主使星二
同考內簾分十房
憶昔恩科辛巳年
偶然藻耀隨羣仙
雲錦私裁方寸地
霓裳同詠大羅天
春夢悠悠卅餘載
入簾遙迢巫山宰
文字重邀上憲知
後來居上多嘉乃
戊午秋闈濫竽充
焚香選卷慎且公
龍門躍鯉破巨浪
鳳閣飛鴻遇順風
九烈神君衣待染
當頭先卜朱衣點
千佛名經姓字香
奪錦才高終不忝

巫山縣志

卷三十二

詩彙

堯

家家走馬看榜頻
十年辛苦一朝伸
請看蟾窟分香客
盡是螢窗篤志人
煙雲過眼原如夢
快意當頭賞心眾
屬鼻無端喜戴鼈
顛皆有詠欣鳴鳳
泥金帖字燦如霞
黃紙飛來報喜家

君恩寵錫鹿鳴宴
宴年科第各簪花
轉瞬得意長安中
杏林一曲醉春風
狀元歸去宮袍爛
輓繡

天街嘶玉驄

東望巴巫

許光樹

百二江程路未賒
巫山巴峽盡東遮
巖懸羅刹紛紜攬

灘走雷霆震疊搗神女控鸞靜雲雨旌揚飛劍盜津涯
會須出入和坡老十二峯頭手八叉

口號

鐵柱溪邊暮雨來西陵關口朝雲開神女有靈鎮巫峽
楚襄無夢到陽臺

峽景

峽中無景不離奇看取江城倚徙時絕壑咽風翻陣陣
層巒孕月吐遲遲忽驚浪挾海潮上又見雲乘天馬馳
獨有巫山神女蹟亭亭裊裊恰多姿

巫山縣志

卷三十二

詩集

全

下峽船

江流萬里挽真難况有危瀧與險灘舟子自應貪利涉
波臣何事不安瀾森森雲樹陰長峽滾滾風雷走疾湍
漫聽猿聲啼兩岸放船到此總心寒

上峽船

最難舟到峭灘時衝浪銜濤勢莫支翻跌掄篙三老戰
胼胝負纜萬夫嘶遇當流石便高擱得半帆風客上馳
泊向關門剛定喘又揩汗血獻膏脂

高唐懷古

楊學海

高唐千古說麗佳若有人兮水之涯神女授書神力排
童律庚辰俱受差頓教長峽會清淮鍊石功同補女媧
楚王西來起陰霾宋玉寓言自詠諧不妨信手摹雲厓
曠乎若攜昇仙鞋彷彿登臨拾遺釵遊心縹緲隔瑤齋
遽然一夢接天階藐姑誰與辯根荇香草美人屈子懷
英皇女娥託匹儕漢皋解珮共沈埋詎類秦樓與楚娃
萬仞巉巖禹迹皆惟見長江水涿涿

跋

友梁自壬辰禮闈歸來閉戶讀書屢月不入城市是冬連邑侯以修志相商梁口諾之而心未許也畏創始之難耳諸同人亦逡巡退縮相與觀望者久之今夏連公設局採訪復有纂修之命梁側其間祇期互相考訂而已乃同入或設帳教授或鄉試觀光不獲時親其役僅得府志所載各條每多畧而不詳之處梁始分門別類先詳體例次嚴取舍編輯之繕錄之藁甫脫即付手民自秋徂冬功垂成矣運公以瓜期已屆經費支絀幾幾

巫山縣志 卷三十二

詩彙

一

乎其功虧一蕢之勢繼任白公下車伊始他務未遑即以觀風省俗考獻徵文為要務惜大功之中輟多方玉成始竟其事夫莫為之前美弗彰善始者連公也連公之後盛弗傳善成者白公也梁今者公車北上行有日矣不獨樂是書之克成而樂得賢令尹之為政能見其大也我巫民飲之食之教之誨之之有資也其遭際為何如哉適因鐫印告竣纒陳巔末以識慶幸云癸巳仲冬李友梁謹跋